

LEHUTO LA BOHLANO



A re inamišeng dihlogo tša rena bjale bakeng sa thapelo.

² Tate wa Legodimong wa mogau, yo Maatlakamoka Modimo, Yo a bušitšego Jesu Kriste go tšwa bahung, gomme a Mo neetše go rena ka matšatšing a a mafelelo, ka Maatla a Moya wo Mokgethwa, re thabetše diketelo tše maatla tša Modimo wa go se hwe. Gomme bjale, Tate, re lebane le iri ye nngwe, iri ye e ka fetolago boyo bja Gosafelego bja batho ba bantši.

³ Gomme go batamela se, Morena, ga ra lekanela. Ka gobane, go ka Mangwalong, gore, “Kwana e tšere Puku le go bula Mahuto.”

⁴ O Kwana ya Modimo, etla pele, re a rapela. Re bitša go Wena, Morena, Molopolodi yo mogolo. Etla pele gomme o re bontšhe polane ya Gago ya topollo yeo e bego e utilwe go kgabola mengwaga, go re kgaoleleng Lehuto le la Bohlano bošegong bjo, Tate, le go utolla ke eng se lego ka tlase ga Lehuto le bakeng sa rena; gore re ke re tloge Bakriste ba bakaone go feta re le bjale, re ke re lokele bokaone bakeng sa modiro woo o lego pele. Re e kgotela ka go la Jesu Leina. Amene.

Dulang.

⁵ Mantšiboa a mabotse, bagwera. Ke tšea wo go ba monyetla wo mobotse go ba mo bošegong bjo, ka tiragalo ye kgolo ye. Ga ke tsebe felo moo nka go ikwela bokaone gona, go feta go ba mošomong wa Kgoši. Gomme bjale go tlang ka go ikgetha go dithuto tše moo re no go letela; ge A ka se nkutollele Lona, nka se kgone go le fa Lona. Ga ke leke go šomiša e ka ba efe ya dikgopolo tša ka mong goba e ka ba eng; feela bjalo ka ge A tla Le fa. Yeo ke nnete. Gomme ke—ke ne kgonthe, ge nka se šomiše dikgopolo tša ka mong, gomme Le tla ka tsela ye Le dirago. Gomme gohle go kgabola bophelo ga se nke La foša. Le ka se foše nako ye.

⁶ Bjale, re no ba ka letago le kudu, go leboga kudu bakeng sa se A re diretšego, seatla se segolo sa sephiri sa Modimo yo a phelago! A selo se segolwane se ka bago, re ka ba batho ba monyetla bontši kudu gakaakang, go feta go ba ka bogoneng bja rena Kgoši ya dikgoši, Morena wa marena?

⁷ Ka kgonagalo re tla letša dinakana le—le go phephesediša difolaga, le go ala legogwa le se sengwe le se sengwe, go Mopresitente wa setšhaba go tla toropongkgolo. Eupša, e no naganang, seo se tla ba ka moka gabotse, gomme e tla ba tlhompfo go toropokgolo.

⁸ Eupša naganang. Ka go ya rena ye nnyane, tabarenekele ya go kokobela, bošegong bjo, re mema Kgoši ya dikgoši, Modimo. Gomme ga re. . . Yena ga a kganyoge merwalo go lahlelwa ntle, le

go ya pele. O kganyoga dipelo tša go kokobela go robatšwa ntle, gore A ke a tšee dipelo tše tša go kokobela le go utolla go tšona di—di dilo tše botse tšeo A di boloketšego bakeng sa bohle bale ba Mo ratago.

⁹ Bjale, re botšišitše . . . Gomme ke ne bopaki gore ke tla rata go—go fa. Bjale, ge ke fošitše go se; ke nno se kwa, gomme nka kgona go ba gore ke phošo. Eupša ke nagana batho ba fa, le bao bopaki bo ba lebišitšego.

¹⁰ Gomme ka gona, matšatši a se makae a go feta, ge ke be ke le ntle legaeng la ka bjale, ka—ka Arizona, re bile le mo—mo mogala woo o rilego go bile le mošemane yo monnyane yoo a bilego le letadi la ramatiki. Gomme leo le ya pelong. Gomme o be a le yo bjalo . . . Tate le mme wa gagwe ke barategi ba babjalo, bagwera ba bohlokwa ba ka. E be e le wa rena . . . yo mongwe wa matikone a rena mo, wa kereke, Ngwanešu Collins. Mošemane wa gagwe yo monnyane, Mikey yo monnyane, mmapalammogo wa Joe, o be a sotlega ka letadi la ramatiki ya pelo. Gomme dingaka di mo rometše gae, ba mmeile ka malaong, le go botša batswadi ebile go se mo dumelele go ema, goba go phagamiša hlogo ya gagwe, go nwa meetse. O a nwa ka lehlakana; o be a le gampe kudu. Gomme batswadi, babotegi, ba tla tabarenekeleng fa, le go dumela.

¹¹ Gomme mašego a se makae a go feta, e sego go leka go leta, re tsebišitše ditirelo tša phodišo ka Lamorena. Eupša, go boneng gore re be re eya go swanela go araba dipotšišo, kafao gona re ile ra swanela go tlogela tirelo ya phodišo.

¹² Gomme gona ke bile le se sengwe se sennyane seo ke bego ke se bolokile ka teng ga ka, ka pelong ya ka.

¹³ Gomme tate le mme ba nyakile go tseba ge eba ba ka tliša ngwana go ka—ka kamora. Gomme ba tlišitše moisa yo monnyane ntle kua, gomme Moya wo Mokgethwa wa mme ga go fola.

¹⁴ Gomme kafao, batswadi, go hlompheg seo, ba tšere moisa yo monnyane gae gomme ba mo romela sekolong, go no mo romela sekolong.

¹⁵ Ngaka o e swere, kafao ngaka o be a se a thabišwa gabotse kudu ka selo se sebjalo. Kafao, o boditše mme gore lesele le swanetše go ba ka malaong, nnete. Gomme a mo fa kanegelo. Gomme ke nagana monna ke, ke a kwešiša, ke modumedī wa Mokriste, ka kerekeleina. Mo—mo Moseventh-day Adventist, ngaka ke yena. Gomme kafao o rile, “Gabotse, o swanetše . . . ke nako go ngwana, go nna go le hlahloba.” O rile, “Le swanetše, bonnyane, go ba le lona le hlahlobilwe.”

O rile, “Gabotse kudu.”

¹⁶ O tšee tše ngwana tlase, gomme ngaka o le hlahlobile, ya madi, moo letadi la ramatiki le letšego. Gomme kafao ke kwešiša gore ngaka o be a maketše kudu ga se a tseba a dire eng.

Mošemane yo monnyane o phelegile ka go phethagala, gabotse le gabotse, e sego . . . ? . . . o hweditšwe.

17 Bjale a ba ga Collins ba gona? Nka no ba ke boletše seo pošo. Ke nyaka . . . A yeo ke nnete, Kgaetšedi Collins? Ya. Go lokile. Ya. Yoo ke Mickey Collins yo monnyane, a ka no ba tshela, bogolo bja mengwaga ye šupago.

18 Gomme seo se diregile thwi ka kamoreng, e ka ba mašego a mararo a go feta. Oo, ba . . . E be e swanetše go ba yo Mongwe ka kamoreng yela ntle le motho! E be e le yo mogolo le yo maatla je—je Jehofa, yeo ke nnete, yoo a tlogo go hlompha Lentšu la Gagwe. Gomme ke—ke leboga kudu go kwa seo. Le a bona? Ke a tseba bohle re bjalo. E sego nna feela, eupša bohle re bjalo, gobane go ka reng ge yola a be—a be a le mošemane wa gago yo monnyane goba mošemane wa ka yo monnyane?

19 Gomme, elelwang, ke fa bopaki, feela boka bo tee, le go topa bo tee fa le fale. E direga mogohle, eupša feela go le dira le tsebe gore—gore bodiredi bja ka bja kgonthe bo go phodišo Kgethwa. Eupša le . . . Ke mo bakeng sa Mahuto a. Gobane, moragwana gannyane, le tla kwešiša gobaneng ke swanetše go dira se. Gomme, kafao, ga ke morutiši, ga se nna moithutamodimo. Ke—ke no rapelela balwetši, gomme ke rata Morena. Gomme bjale, bjale ka go se, le ge, seo . . .

20 Bošegong bja go feta re file bopaki bja mosetsana yo monnyane . . . ke na le leina la gagwe. Gomme Billy o na le lona mo bjale, felotsoko, la motswadi le yo ba lego yena. Gomme mosetsana yo monnyane yo o be a le legatong la mafelelo la leukemia, e ka no ba . . . Feela gampe kudu gore ga se ba kgone go se sa mo leša ka molomo wo; o be a swanetše go . . . madi a gagwe a tšhelwa go kgabaganya ditšhika tša gagwe. Gomme o be a le selo se sebotsana se sennyane. O be a le yo monnyane go mengwaga ya gagwe, e ka ba go lekana le mohumagadi yo monnyane yo fa, ke a eleletša. Eupša o be a le e ka ba botelele bjo, kudu . . . Ba be ba swana le bontši bja rena. O ka kgona go bolela ka ngwana yo a aperego, gore . . . le batswadi, gore ba be ba diila kudu, ba no diila kudu, gomme, kafao, eupša go hlompha ka kgonthe. Gomme Moya wo Mokgethwa o boletše ngwana yola go fola.

21 Bjale, e no naganang ka seo, ka leukemia, moisa yo monnyane yola. Gomme madi a be a le gampe kudu e bile ga se ba kgone go se sa mo leša ka molomo. Go ile gwa swanela, go ya bookelong le go tšea madi, goba tšhelo ka ditšhika, go mo leša; ke a thanka, klukose, goba e ka ba eng. Ga ke tsebe ke mareo afe a dihlare a dirago bakeng sa bolwetši bjola, eupša, go le bjalo, le be le swanetše go fepša ka tselo yeo. Gomme pele ngwana a tlogela lefelo, o lletše hambeka.

22 Gomme batswadi, morago ga ge ba kwele Moya wo Mokgethwa, wa O RIALO MORENA, le a bona, ba . . . Gomme,

bona, basetsebjje, ga se nke ba ke ba ba tikologong pele. Eupša . . . Ba—ba baratani ba go kgahliša ba kgale bao ba sa tšogo hwetša ditulo tša bona fa bakeng sa bona, metsotso e se mekae ya go feta, Ngwanešu le Kgaetšedi Kidd, ba ba laetše ba dire eng, le ke eng ba e theeletšago. Gomme ngwana o ja dijo tša gagwe mo tseleng go ya gae.

23 Matšatši a mabedi goba a mararo morago ga fao, ka sekolong. Gomme o tlile a ya ngakeng, gomme ngaka o be a tlabanegile! O rile, “Ebile ga go mohlala o tee wa leukemia o hwetšwago ka go ngwana.” Le a bona? Bjale, yeo ke ka ponyo ya leihlo, mo mmarakeng, Maatla a Ramaatlakamoka Modimo, go tšea moelamadi le go o hlwekiša, thwi ka mokgwa wola, le—le go bea moretheto wa—wa bophelo bjo boswa morago ka fale. Gobane, moelamadi wa gago—wa gago ke bophelo bja gago, wa go hwa. Gomme go hlola disele tše diswa, le go hlwekiša tša kgale! Gomme—gomme se e lego, ke ka phethagalo . . . Ke tla bolela se, ke tiro ya go hlola ya Ramaatlakamoka Modimo; go tšea mo—mo moelamadi woo o kgotletšwego ka kankere, go fihlela moisa yo monnyane, serolwana le go gasoga, gomme, magareng ga feela dinakwana di se kae tša nako, moelamadi wo moswamoswa!

24 Ke a dumela . . . Ga ke ye go e bolela ka Leina la Gagwe; Ke ya go e bolela ka go ya ka . . . ka go kutollo ya tumelo ya ka, se se diregilego ka Sabino Canyon letšatši le lengwe. Ke a dumela gore iri e a batamela, ge ditho tše timetšego di tla bušetšwa, le Maatla a letago a Mohlodi. Ke—ke a dumela, ge A ka kgona go dira sehlorana se tšwelele, seo ga se na . . . Monna goba mosadi šo, o no ba le karolo ye e timetšego. Gomme yeo ke phoofolo ya go felela, ka go yona mong. Yena ke Modimo. Ke—ke a Mo rata.

25 Gabotse, bjale, ke thomiša go tšona dihlogotaba, gomme re no bolela pele. Gomme batho go dikologa maboto, le go ema ka diholog le diphapoši, le go ya pele, kafao ke tla ya thwi go otlologa go Molaetša.

26 Gomme ke nyaka go bolela se, gomme ke nyaka go fa ditebogo go Yena Yo a lego motlalagohle. Gomme, leo, lehono, go se tsebe selo se tee ka ga Lehuto la Bohlano, Le tlile ka gare ka tsela yela ya sephiri, mosong wo, feela e ka ba iri pele ga go hlaba ga letšatši, ge ke be ke le ntle ka thapelong. Gomme lehono . . .

27 Ke sa tšo dula matšatši a mahlano goba a tshela a go feta, feela ka kamoreng ye nnyane, ke sa bone motho. Go no ya ntle le go ja dijo tša ka le—le mogwera, le ba bangwe ba bagwera ba ka mo. Gomme, nnete, o a tseba mogwera yola ke mang, ke Ngwanešu le Kgaetšedi Wood. Ya. Gomme—gomme le a tseba, gomme ke ile godimo kua gomme—gomme ka dula le bona, gomme yo mongwe le yo mongwe o be a lokile. Gomme ga se go be le e ka ba eng, feela gabonolo . . .

28 Ke leka go dula thwi le Molaetša wola wa Mahuto a. Go bohlokwa. Ke a dumela ke—ke iri ya nako ya Lona ya go utologa, ya kutollo ya Lona.

29 Gomme bjale ke nyaka le be le kgonthe bjale, ka pela, pele, ka pela ge le ka kgona, ngwala ntle dikwešišo tša gago tše di sa tsebjego tša—tša Mahuto a a Šupago, ge o na le wona, gomme o a bea godimo ga teseke. Gomme mohlomongwe Ngwanešu Neville goba yo mongwe a ka bea lepokisi godimo mo. [Yo mongwe o re, “Lepokisi šele.”—Mor.] Oo, fa—fa, ke a ba bona bjale. Seo se lokile. Bokaone ke be le ona bošegong bjo, gore mohlomongwe nka kgona go ithuta go bona nakwana, bakeng sa Lamorena mosong. Bjale, le se ke, nakong ye, thwi mo nakong ye, le se e direle dikgopelo, la re, “Ke bohlatse bja Moya wo Mokgethwa le?” Le a bona? Ke—ke tla rata go tseba ka ga, se ke rutilego ka sona, le a bona, gore re kgone go hwetša thuto e tee ye (boka mabaka a kereke) ka go lokologa, le a bona, gobane ke seo re mekamekanago ka sona bjale.

30 Bjale, go swana le ge re be re eya go rapelela balwetši, gona seo se tšea mohlomongwe ye—ye e fapanego thapelo. Gomme o tloditšwe, etla ka gare bakeng sa selo sa go fapana, le a tseba. Gomme o nyaka Modimo, go hwetša, “A fao go tla ba yo mongwe fao bošegong bjo, Morena?”

31 “Ee, e tla ba yo mongwe a aperego roko ye serolwana, a dutše khoneng ya seatla se setona. Gomme ge o mmitša, o mmitša se. Le go re o be a dirile *bjalo* le *bjalo*. Gomme o ne *bjalo le bjalo*.” Gona o ya tlase fale gomme o šetše, gomme yena šole. Le a bona? Ke lena bao, le a bona. Ke phapano. Le a bona?

32 Gomme ka tsela ye, ke a rapela, “Morena Jesu, tlhathollo ya Le ke eng? E utolle go nna.” Amene.

33 Bjale a re ntšheng Ditšhoša tša rena—tša rena gape bjale, le, Lentšu.

34 Gomme ke thabela thekgo ya semoya ya Ngwanešu Neville, gammogo le lerato la gagwe la boena, morago mo ka morago ga ka, o a nthapelela. Gomme tša lena tšohle di ntle kua, le tšona. Gomme, bjale, bošegong bjo go beng bošego bja Labohlano, re tla leka, go no e dira boka . . . rena . . .

35 Ka kgonagalo o ka se bethe dilo tšohle. Wena . . . Nnete, o ka tšea Leo, feela le lengwe la Mahuto ale, le go dula, go no—go no Le tliša thwi go kgabola Lengwalo, tlase thwi. Le a bona? Go tla tšea dikgwedi le dikgwedi le dikgwedi, gomme go sa le o ka se be le Lona, gobane le—le Lehuto Lonamong le bofa Lengwalo ka moka, go tloga Genesi go fihla Kutollo, Lehuto le tee la Lona.

36 Kafao se ke lekago go se dira, ke, go lesa go fapogeng go Lona, Ke tla ngwala fase Lengwalo, goba—goba noute ye nnyane mo felotsoko, le go lesa go . . . Go no boloka selo sela se setee, ke swanetše go šetša morago, gobane, ke no . . . Go boleleng, ke bolela ka—ka tsela . . . Ke—ke a holofela ke tšhušumetšo ya

maleba. Gomme ge ke—ge ke lebelela tlase go bona . . . Gomme ke—ke thoma go bolela, gomme ke ikwa nnamong ke fapoga go hlogotaba, Ke tla retologela go dikologa, ka lebelela morago ka tsela ye nngwe, go leka go hwetša Lengwalo le lengwe, go ya godimo ga leo, le a bona, mokgwa wa go e bonega godimo gannyane ka lehlakoreng lela, sebakeng sa go leka go ya pele le seo.

³⁷ Gomme kafao bjale re ya go ithuta bošegong bjo, ka mogau wa Modimo, ka thušo ya Gagwe, le—le Lehuto la Bohlano. Gomme ke Le lekopana. Ke le letelele gannyane go feta le lengwe. Banamede ba bane ba pere, bjale, e be e le ditemana tše pedi go arogana, gomme ye ke ditemana tše tharo ka go ye. Bjale, Lehuto la Bohlano le a thoma, tema ya 6 ya Kutollo, temana ya 9.

³⁸ Gomme, bjale, ge o ka direga go ba mo—mo mosetsebjje yo a sego a kwa banamedi ba bane ba dipere, gabotse, wena . . . Le a bona, dinako tše dingwe o—o no wela morago gomme—gomme mohuta wa go swara se sengwe, gomme, ge o dira, o letetše batho go Le kwešiša. Kafao ge go na le se sengwe se sennyane o sa se kwešišego, gabotse, nno kgotlelela gannyane nthatana. Goba, hwetša theipi gomme o E theetše, gomme—gomme ke na le nnete le tla—le tla hwetša tšhegofatšo go tšwa go Yona. Ke dirile. Ke—ke a holofela gore lena—gore le a dira.

³⁹ Bjale, yo mongwe le yo mongwe komana, go tloga go temana ya 9 bjale go ya go ya 11, goba go akaretša ya 11.

Gomme ge a butše lehuto la bohlogo, ke bone ka tlase ga aletara disoulo tša bona bao ba bolaetšwego lentšu la Modimo, le bakeng sa bopaki bjo ba bo swerego:

Gomme ba goeditše ka segalontšu se segolo, ba re, Botelele gakaakang, O Morena, yo mokgethwa le go rereša, wena o . . . ahlola le go lefeletša madi a rena go bona bao ba agilego lefaseng?

Gomme dikobo tše tšhweu di filwe yo mongwe le yo mongwe wa bona; gomme go rilwe go bona, gore ba swanetše go khutše efela bakeng sa se—se sehla se sennyane, go fihlela bahlankammogo ba bona le bona . . . baena ba bona, gore ba swanetše go bolawa boka ba bile, go phethagatšwa.

⁴⁰ Bjale, se gabotse ke sephiri. Gomme bjale bakeng sa ditheipi, le banna ba baruti le barutiši bao ba dutšego ba le gona, bjale, ge le na le mmono wa go fapana go tloga go Le; ke dirile, le nna. Eupša ke no ba ke Le tšea go tšwa tšhušumetšong, yeo ka go felela e fetotšego mmono wa ka ka Lona. Le a bona?

⁴¹ Gomme ka gona ke hwetša ntle, ge le bona a a utolotšwe, Le no kgorametša morago le go tliša mabaka ale a kereke le Lengwalo thwi mmogo, le go Le bofeng. Le a bona? Gomme leo ke lebaka le ke dumelago gore Le tšwa go Modimo. Bjale, re lemoga seo.

42 Gomme ke nagana ka seo dinako tše dingwe gore re itshemile go se morutiši tsoko yo mogolo a ka bego a se boletše ka Lona. Le a bona? Gomme seo—seo se lokile. Ga ke sole morutiši, le ka mokgwa ofe. Gomme ga ke sole e ka ba mang. Ke no ahlola sebe, gosedumele; ga go motho.

43 Gomme batho ba bangwe ba rile, “O sola mokgatlo.” Aowa, ga ke dire. Ke—ke sola tshepedišo ya mokgatlo; e sego batho ka kua, sehlopha sa batho ba ba dirago mokgatlo, le a tseba. Eupša tshepedišo ba laolwago ka yona, ke seo ke se solago, Katoliki le Protestant, go swana. Nna! Ke bile. . .

44 Ba bangwe ba bagwera ba bakaonekaone bao—bao—bao ke tsebago ka bona, ke Makatoliki, feela. . .? . . . A le a lemoga. . . Gomme monna a ka no ba a dutše fa bošegong bjo, mohlomongwe o gona. Tsela e nnoši ye re bilego le tabarenekele ye e agilwe, gobane Katoliki ya Roma e eme dinaong tša yona ka go kgorotsheko fale, gomme e ile ka pele bakeng sa rena, gomme, šaatena, boka go se mang a ka dirago. Yeo ke nnete. Gomme ga se ba kgone go e gana. Yeo ke nnete.

Gomme o rile, “Ba bile le seswantšho ntle, ‘Batho ba bantši kudu.’”

45 O rile, “Oo, seo se ka se dire masomeseswai gape ka kerekeng yela, ka mokgwa wola.” O rile, “Kereke yela e eme fale.” O rile, “Ke—ke tseba modiša, le tšohle boka tšeo.” Gomme o rile, “Kereke yela e bile gona.” O rile, “Ka moka ga lena le ka kgona go oketša go yona, gona gobaneng ba sa kgone?” Mokatoliki wa Roma, mogwera yo mobotse wa ka. Le a bona? Ee, mohlomphegi.

46 Mo—mo mošemane yo e lego mo—mo Mokatoliki, mogwera wa ka wa kgonthe wa bogošī, o be a bolela le nna. O bile le lebenkele tsoko la dikago; pele ke tloga. O rile, “Billy, ke—ke a tseba ga o dumele ka go tshepedišo ya rena ya bodumedi.” O rile, “Eupša ke a le botša gonabjale,” o rile, “Modimo o hlomphele dithapelo tša lena bontši kudu go rena! Ke a dumela, ge o tsena bothateng kae kapa kae ka setšhabeng,” o rile, “Mokatoliki yo mongwe le yo mongwe ka nageng o tla tla go wena.” Kafao, le a bona, yeo ke. . .

47 O rile, “Sefapanomokokotlo se sengwe le se sengwe,” o se biditye. Ke ya go e bolela feela ka tsela ye a dirilego. Nnete, ba tleleima go ba seo gobane Bakriste ba pele ba rwele difapano mokokotlong wa bona. Re tseba seo ka histori. Gomme ba tleleima go ba Bakriste ba pele, e lego ba be ba le, eupša tshepedišo e ba tlošitše tseleng, le a bona.

48 Gomme bona batho, Mokatoliki, goba Mojuda, goba e ka ba eng e lego, ke batho go tšwa mohlareng wa go swana woo re tšwago go ona. Le a bona? Yeo ke nnete. Ke—ke batho ba ba ratago, le go ja, le go nwa, le go robala, le feela boka e ka ba mang gape. Gomme kafao ga ra swanela go tsoge ra sola batho

ka batho, aowa, ga a gona, le a bona. Eupša, ga ra swanela go sola batho ka batho.

⁴⁹ Eupša, bjalo ka modiredi, ke swanetše go ratha sephente yela ntle fale, yeo e lomago ka go batho bale, le a bona. Gomme ga ke—gomme ga ke ebile . . . Feela nna, le nnamong, nka se dire seo go go be go se thomo go tšwa go Modimo, gore ke tlamegile go e dira, le a bona. Gomme ke swanetše go swara therešo le go botega.

⁵⁰ Eupša ge Mokatoliki, Mojuda, goba e ka ba eng a bilego, a etla fa; ge eba o be a le Mohammedan, Mogerika, goba Moorthodox, goba e ka ba eng a ka bago. Ge a etla fa go rapelelwa, ke tla no rapela feela ka tlhokofalo bakeng sa gagwe boka nka dira go wa ka mong. Yeo ke nnete. Ka kgonthe, gobane ke motho. Gomme ke rapeletše Mabuddhist, le Masikh, Majain, Mamohammedan, le—le mohuta wo mongwe le wo mongwe, le a bona, ka mokgwa woo. Gomme ga ke ba botšiše dipotšišo; ke no ba rapelela, gobane ke bona yo mongwe, motho yoo a nyakago go fola, le go leka go dira bophelo bonolo gannyane go bapa tseleng bakeng sa bona.

⁵¹ Bjale re a lemoga, gore, ka go se, le ba bantši ba lena mo ke a tseba, go na le bonnyane dirutegi tše pedi goba tše tharo tša kgonthe di dutše mo. Gomme—gomme ke ditswerere, le go bala go tšwa go—go tšwa go dithuto tša banna ba bangwe ka thuto ye. Gomme ke nyaka faena ba go tseba gore ga—ga ke sole banna ba. Ke no hlagiša feela se Morena a mpontšhago. Gomme seo ke sohle ke nago le sona.

⁵² Bjale, ga re nyake go tsoge ra nagana seo, gobane mosadi tsoko yo monnyane wa go hlatswa goba—goba mošemane yo monnyane wa go lema ntle fale, ga se a kgone go hwetša kutollo go tšwa go Modimo. Gobane, le a bona, e . . . Modimo, ka kgonthe O ikutolla Yenamong ka bonolo. Yeo, re bile le yeo Lamorena, go thomiša ka ye, ka fao A ikutollago Yenamong ka bonolo bja Gagwe. Ke seo se Mo dirago yo mogolo.

⁵³ Bjale a nke—a nke ke no . . . A nke ke no lekolagape seo feela bakeng sa motsotso. Se se dirago Modimo yo mogolo, ke ka gobane O kgona go itira yo bonolo Yenamong. Seo ke se se Mo dirago yo mogolo. Modimo ke yo mogolo, gomme a ka kgona go itira Yenamong ka sebopego se bonolo bjalo gore bahlale ba lefase le ga ba kgone go Mo hwetša. Ba no se kgone go Mo hwetša, gobane O itira yo bonolo Yenamong. Bjale šetšang. Gomme se, ka go sonamong, ke sephiri sa kutollo ya Jesu Kriste. Le a bona? Se, ka go sonamong, gore . . . Go ne . . . se ka se be le selo se segolo go feta Modimo. Gomme o ka se kgone go dira e ka ba eng bonolo bjalo ka ge A itira Yenamong. Le a bona, seo ke se se Mo dirago yo mogolo. Le a bona?

⁵⁴ Bjale, monna yo mogolo, a ka no kgona go ba yo mogolwane gannyane, goba mohlomongwe a ka kgona go theogela tlase le go re, “Go bjang?” go wena, le a bona, goba se sengwe boka

seo. Eupša o kgona go itira yo monnyane yenamong. Go no ba se sengwe ka ga gagwe. Ke motho. O no se kgone go itira yenamong gannyane. Gobane, ge a etla go theoga gannyane kudu, gona, selo sa pele le a tseba, o swanetše go lebelela se yo mongwe gape a se dirilego, le ka mokgwa woo. Gomme ka gona o thoma go ikgogela morago yenamong godimo gape, le a bona.

Eupša, tsela go rotoga ke go theoga, go Modimo. Ee.

55 Bahlalefi ba lefase ba a leka, ka bohlafe bja bona, go Mo hwetša. Ba namela feela go tloga go Yena, ka go dira bjalo. Le a bona, bahlalefi ba lefase, ge o leka go hlatholla se sengwe ka dipalontshetshere goba se sengwe. Elelwang, ebile O e beile. . . Ka Beibeleng, ka go Kutol-. . . Aowa, ntshwareleng.

56 Jesaya 35, ke a dumela ke yona, gore ebile go bonolo kudu—kudu gore ebile mo—mo—mo motho wa go seleka a ka E kwešiša. Le a bona? Oo, “Ebile le lešilo le ka se foše ka go yona.”

57 Bahlale ba e foša kgole, ka bohlafe bja bona, ba ya kgojana go tloga go Yena, ka go leka go Mo hwetša ka bohlafe. Bjale, le se lebele seo. Seo se tla theipiwa, le a bona. Bahlale, ka bohlafe bja bona, ba ya kgole kudu go leka go Mo hwetša ka bohlafe bja bona, ba a Mo foša, le a bona. Ge ba ka kgona go ba ba bagolo go lekanela go ba bonolo go lekanela, ba ka kgona go Mo hwetša. Ge o le yo mogolo go lekanela go ba bonolo go lekanela! Le bona seo? Gomme, le a tseba, gore—gore ka kgonthe ke Therešo.

58 Ke ile go batho, ka diofising tša bona, le go ya pele, bao ka kgonthe ba bego ba le banna, ba bagolo, dikgoši, le a bona, le babuši, barena, gomme ka tlwaelo bona ke banna ba bagolo. Morago, ke ile ka mafelong moo mothaka a nago go fetola ga diaparo, mohlomongwe modiredi tsoko yoo a nyakilego go ngangišana le nna nakwana, gomme le—le tla nagana gore lefase ga se la kgona go kitima ntle le yena, le a bona. Gomme seo—seo se no ikgogomoša ka hlogong, le a bona. Eupša, mo—mo monna yo mogolo, monna yo mogolo o dula fase gomme a leka go go dira gore o nagane gore o monna yo mogolo. Le a bona? Le a bona, a ka kgona go ikokobetša ka boyena.

59 Gomme, le a bona, Modimo ke yo mogolo kudu go fihla A kgona go ikokobetša ka Boyena, lefelo, moo motho a sa kgonego namela tlase bokgole bjoo, le a bona. Yeo ke phetho. Gomme ka fale. . .

60 Gomme ba leka go Mo hwetša. Bjale lebelelang. Ba leka go Mo hwetša ka go romela bašemane sekolong, le go hwetša grata ya Bachelor ya Bokgabo. Gomme—gomme ba leka go Le hwetša ka lereo la thutabomodimo ya—ya—ya—ya Beibele. Gomme ba leka go Mo hwetša ka mananeo a thuto, le ka mananeo a mokgatlo, le ka go botsefatša dilo, le go leka go hwetša. Ga a fale, le gatee. Le no lwa le phefo, yeo ke phetho. Le—le ya kgole le Lona.

61 Ba ka no ba bogolo go lekanela go ba—go ba bonolo go lekanela, ba ka Mo hwetša ka thoko yela, ka go beng bonolo. Eupša ge feela o eya go lebanya bohlae, o ya kgole go tloga go Yena.

62 Bjale a nke ke tliše seo gore le se e foše. Ge feela o leka go hwetša Modimo ka bohlae, boka go bile ka serapeng sa Edene, boka go bile matsatšing a Moshe, boka go bile ka matsatšing a—a Noage, boka go bile matsatšing a Kriste, ka matsatšing a Johane, mo matsatšing a baapostola, le go letšatši le! Ge o leka go Le nagantšhiša, le go leka go hwetša Modimo ka bohlae, o ya kgojana go tloga go Yena nako yohle. Le leka go Le kwešiša. Ga go tsela go e dira. E no E amogela. Le a bona? E no Le dumela. Se leke go Le kwešiša.

63 Ga ke kgone go kwešiša gobaneng, gore, gabotse, boati bja dilo. Ga se dilo tše dintši ke di kwešišago goba ke kgonago go di kwešiša. Ga ke kgone go kwešiša ka fao moisa, yo moswa yo a dutšego fa a eja dijo tša go swana nka kgonago, gomme—gomme, yena šo, o ne hlogo e tletšego ya moriri, ga ke ne selo. Ga ke kgone go e kwešiša. Ba mpotša khalesiamo e a e dira; gomme ga ke kgone go boloka manala a ka a ripilwe go lekanela, gomme ga go moriri le gannyane go kota. Ga—ga ke kwešiše seo. Bjalo ka ge polelo ya kgale e le, ke . . .

64 Feela e sego mokgwa wa go fetola maemo, tlhokofalo; eupša, Ke tlhokofalo, eupša ga se ke fihle go Lehuto golebjaalo.

65 Ka fao kgomo yela ye ntsho e ka jago bjang bjo botala, gomme ya fa maswi a mašweu, ao a fehlago potoo ye serolwana! Kgonthe nna—nna ga ke kgone go hlaloša seo, le a bona. Gobane, le a bona, yo mongwe le yo mongwe ke setšweletšwa sa se sengwe. Gomme ka fao e dirago, nka se kgone go e hlaloša.

66 Ga ke kgone go hlaloša ka fao dilili tše pedi di emago, goba matšoba a mabedi, a mohuta wa go swana, gomme le tee le lehubedu, gomme le lengwe le tee le serolwana, gomme le tee le tsotho, gomme le letee le bolou. Ga ke kgone go e kwešiša. Letšatši la go swana godimo ga ona. Mmala o tšwa kae? Le a bona? Nka—nka se kgone go e hlaloša, eupša go le bjalo o swanetše go e amogela.

67 Ke no duma gore moithutamodimo yo mongwe yo mogolo o tla ntlhalošetša ka fao lefase le le emego ka obiti. Ke duma o ka mphošetša kgwele ka moyeng ka sesaense, e retologa, gomme o e lese go dira modikologo wa bobedi, ka lefelong le letee. O ka se kgone go e dira. Gomme efela ye e beilwe nakong ka go phethagala kudu go fihla ba kgona go bolela phifalo ya letšatši go motsotso, mengwaga ye masomepedi go tloga bjale. Ga ba ne sešupanako goba sešupanako, goba seripa e ka ba sefe sa motšhene, seo se phethagetše. Gomme efela le dula fale. Gomme, gona, go itshameng kasamorago. Go ka reng ge le ka otloga

gannyane nthatana? Ya. O no itira wenamong go tlaela, go leka, le a bona.

⁶⁸ Kafao, le a bona, se leke go hwetša bohlale, go kwešiša. Nno dumelang se A se bolelago. Gomme bontši o ka bago bonolo, gona ke wena yoo, o tla Le hwetša. Bjale, ke leboga seo kudu, go leboga gore O gona, o itirile yo bonolo ka Boyena. Bjale, re hwetša, tema ya 6 le temana ya 9. A nke ke thome bjale.

Gomme ge a butše lehuto la bohlano, ke bone ka tlase ga aletara disoulo tša bona bao ba bolaetšwego lentšu la Modimo, le bakeng sa bopaki . . . ba swerego:

⁶⁹ Hlokomelang, ga go bolelwe ka Sebata se sengwe, goba Sebopša sa go phela—sa go phela, go tsebišo ye ya Lehuto la Bohlano. Bjale elelwang, go bile, go Lehuto la Bone. Go bile, go Lehuto la Pele, la Bobedi, la Boraro, le la Bone, eupša ga go selo fa. Le a bona?

⁷⁰ Bjale, ge le ka hlokomela, a re nong go bala morago, le tee la Mahuto. A re yeng morago go Lehuto la Bone, le a bona. Gomme yeo ke temana ya 7.

Gomme ge a butše lehuto la bone, ke kwele segalontšu sa sebata sa bone se re, Tlaa . . . o bone.

. . . ge a . . . butše lehuto la boraro, ke kwele segalontšu sa—sa sebata sa boraro se re, Tlaa gomme o bone.

. . . sa sebata sa bobedi . . . Tlaa . . . o bone.

. . . gomme sebata sa pele se re, Tlaa gomme o bone.

⁷¹ Eupša ka gona ge re fihla go Lehuto la Bohlano, ga go Sebata. Bjale e nong go hlokomela.

Gomme ge a butše lehuto la bohlano, ke bone ka tlase ga aletara . . .

⁷² Thwi ka pela! Le a bona, ga go ne—ga go ne Sebata fale. Gomme Sebata se emela maatla. Re tseba seo, le a bona. Ga go na Sebopiwa se se phelago.

⁷³ Bjale, setee sa Dibopiwa, re a hwetša, go ithuteng ku—ku—ku kutollo ka dikerekeng, gore se tee sa tšona se bile le . . . e be e le the tau; gomme se sengwe—se sengwe se be se le pholo; gomme se sengwe se be se le motho; gomme se sengwe se be se le ntšu. Re hwetša, ka go mabaka a kereke, gore Dibata tšela tše nne, di ra maatla a mane, di be di kgobokane go dikologa Ditiro tša Baapostola, feela ka tsela yeo ta—ta tabarenekele ka lešokeng. Gomme le a e kwešiša, gobane nka se tšee nako go ya ka go yona. Ka fao re e thadilego ntle mo, le go laetša feela tlwa! Di be di šeditše godimo ga Ye, Kwana le Lentšu, go dira Lentšu feela bjalo ka ge ba dirile a—a areka ya kgwerano ka go Lefelo le Lekgethwa ka lešokeng, le go ya pele.

⁷⁴ Bjale, ebile re bontšhitše ka maemo, ka mebala ya leloko ya Israele, le ka . . . Ke ba bakae ba kwelego mabaka a kereke

a šupago—šupago? Ke a thanka bontši, seripa, pedi tharo ya lena. Hlokomelang, gore ebile le tlhago ya Sebata e be e le tlwa le empoleme ya leloko, ka tsela efe ye mene. . . meloko ye lesomepedi e dutšego, ye mene go lehlakore le lengwe le le lengwe, goba—goba ye meraro go lehlakore le lengwe le le lengwe. Gomme Dibata tše nne di dutše le go bogela, meloko ye, go tloga go ditsela tše nne tšohle.

⁷⁵ Gomme, ge, re ile le go hwetša Diebangedi, le go laetša tlwa. Ge o tsena ka arekeng, ba be ba hlapeditše areka, kgwerano. Gomme ka gona re hwetša gore kgwerano ya Kereke ye mpsha, kemedi ya Yona lefaseng, e be e le Moya wo Mokgethwa. Madi a be a rometše morago, go rena, Moya wo Mokgethwa. Gomme Dibata tše nne di emetše, gomme bjalo ka me—me meloko ye lesomepedi ya Israele, ge e šeditše. Gomme hwetša ditlhago tša tšona, le go tšea tlhago yela ya go swana le go e tliša go ye nngwe le ye nngwe ya Diebangedi tše nne tšela, tlwa, go be go swana tlwa. Yo motee o boletše le tau, yo mongwe go poo, gomme yo mongwe. . . Diebangedi tše nne! Šeo yona. Diebangedi tše nne ke tšhireletšo ya Moya wo Mokgethwa. Amene.

⁷⁶ Ka mehla ke no makala. . . E nkgomaretše. Bjale, ye e ka ba mengwaga ye tshela, ke a thanka, ge e sa le ke ekwa monna yo mogolo a re yeo e be e le. . . “Ditiro tša Baapostola e be e no ba mošomopeakanywa.” Ke kwele e boletšwe makga a mantši. Eupša go kwa monna ka maemo a gagwe, bjalo ka moreri le bjalo ka morutiši, yoo a ngwadilego tše dingwe tša dipuku tša go tsebalega tšeo batho ba di badilego mogohle, gomme go bolela gore Ditiro tša Baapostola di be di se ka nnete go swanela bakeng sa thuto ya Kereke!

⁷⁷ Mola, Ditiro tša Baapostola ke wona motheo wa Yona; e sego mošomopeakanywa. Motheo! Ka gobane, Beibele e bolela gore mo—mo—mo—mo motheo wa Modimo “o agilwe godimo ga Thuto ya baapostola,” nnete, “Kriste, Hlogo, Leswikakhutlo.”

⁷⁸ Gomme ge moisa yo a eme fale le go dira tshwayo yela, ke—ke—ke—ke no. . . Pelo ya ka e nno šitwa. Gomme ke naganne, “Ga go makatše.” Gabotse, ke a bona bjale, ka go Mahuto. E be e se utollwe. Yeo ke phetho. Le a bona?

⁷⁹ Kafao, bale, ba be ba le fale, ba eme fale, eupša go be go le se sengwe se no bolela seo. Bjale, hlokomelang, ba a hlapetša.

⁸⁰ Bjale, ge re tliile go Mateo 28:19, le go kitimiša selo sela tlase go kgabola Mateo, yo a emetšego tau. Gomme go tlang, ka fale, re hweditše tlwa gobaneng ba kolobetša mo Leineng la Jesu Kriste. Gomme Yena šole, a eme fale ka lona Lengwalo lela, go hlapetša tshepo ye kgethwa ya kolobetšo, ya Leina la Jesu Kriste. Go lokile. Gabotse, ke ya kgole go mabaka a kereke bjale.

⁸¹ Hlokomelang. Eupša, mo, ge re etla go Lehuto le la Bohlano bjale, fao—fao—fao ga go monamedi yo a yago pele, gomme fao ga go Sebata sa go Le tsebiša. Johane o no. . . Kwana e Le

butše, gomme Johane o Le bone. Go be go se motho fale go re, “Bjale etla, lebelela. Tlaa, o bone.” Hlokomelang, ga go maatla a Sebopiwa se se phelago. Goba fao . . .

⁸² Gomme go Lehuto la Boselela, ga go Sebata go Le bega. Gomme go Lehuto la Bošupa, ga go Sebata go Le bega. Ga go maatla go Le bega. Le a bona, ga go yo motee a e dirago. Godimo . . . Lebelelang. Godimo . . . Ka morago ga Lehuto la Bone, ga go na pego ka maatla Sebata sefe, go tloga go la Bohlano, la Boselela, goba Lehuto la Bošupa, le gatee.

⁸³ Bjale hlokomelang. Ke rata se. Bjalo ka mehlang ya monamedi wa dipere tše nne, monamedi (botee) wa dipere tše nne tša go fapana, go be go le Sebata se se tsebišitšego maatla. Nako ye nngwe le ye nngwe monamedi a haraletše pere ye nngwe le go tla pele go katiša, mohuta wo mongwe wa Sebata o a tšwelela le go e bega, “Seo ke sephiri se segolo.” Le a bona? “Seo ke sephiri.” Gobaneng? Go bega sephiri.

⁸⁴ Gobaneng go se se tee fa go Lehuto la Bohlano, go Le bega? Še yona, go ya ka kutollo yeo Morena Jesu a mphilego leho, le a bona, goba mosong wo, le selaphutiana. Seo ke, gore, sephiri sa mabaka a kereke se šetše se fedile, ka nako ye. Sephiri sa molwalekriste se utolotšwe, ka nako ye. Molwalekriste o tšere mokatišo wa gagwe wa mafelelo, gomme re mo hweditše godimo ga pere ye tšehla, a hlakane le mebala ya gagwe ye mentši, le go otlela tsela yohle ka tahlegong.

⁸⁵ Re e hwetša go Diphala-fala, le go ya pele, ge re ruta seo. Ke tla ya go yona bjale, eupša re ya thwi go tloga go hlogotaba gape. Gomme re—re ya . . . o katiša . . .

⁸⁶ Ke ka lebaka leo go sego se tee fale. Bjale, ga re ne lebaka le ngwadilwego, mabaka tsoko bakeng sa se sengwe. Bjale, le a elelwa, mo peleng, mathomong, ke rile go ka se be selo ntle le lebaka. Le elelwa lerothi le lennyane la enke? Le a bona? Bjale o swanetše go hwetša lebaka. Gabotse, go bile le lebaka tsoko ga se ba be le Sebata, goba maatla, go bega Lehuto le go kgaolweng. Gomme ke Modimo feela a kgonago go utolla gobaneng, ke phetho, ka gobane Lona lohle—lohle le letše ka go Yena.

⁸⁷ Eupša lebaka le A Le utollago, ge ke kwešiša, gore ke ka gobane sephiri sa Puku ya Topollo, bokgole bjo molwalekriste a utollwago; gomme ka nako ya go swana, Kereke e ile, gomme dilo tše ebile ga di direge ka go lebaka la kereke, le gannyane. Yeo ke nnete. Ba—ba kgole go tloga go lebaka la kereke. Kereke ka phethagalo e Hlatlošitšwe, mo nakong ye. Kereke e a rotoga, ka go tema ya 4 ya Kutollo, gomme ga e bowe go fihla E bowa morago le Kgoši ya Yona, ka go tema ya 19. Eupša Mahuto a fa a utolla se se bilego, se se lego, le se se tla bago. Le a bona? Gomme, bjale, se se bego se tla ba bakeng sa lebaka la kereke, se utolotšwe ke Mahuto a. Gomme bjale šetšang se se Le tšeago.

⁸⁸ Ma—ma magato a mane a monamedi wa gagwe a utolotšwe. Magato a mane a molwalekriste, a nametše, a utolotšwe ka nako ye, kagona ga ba swanela go ba le e ka ba eng gape.

⁸⁹ Gomme go be go le Dibopiwa tše nne tša go phela tša Modimo, go bega monamedi ge ba be ba otlela. Dibata tše nne ke maatla a mane. Bjale, re a tseba gore *Sebata*, ka tlhathollo ya mabaka a dika tša Beibele, se ra “maatla.” Bjale, a re batameleng seo kgauswi. Tše nne ke Dibata, ka Beibeleng, di emela maatla magareng ga batho.

⁹⁰ Bjale, ge re ka hwetša, boka ka go Daniele, ge a bone setšhaba tsoko se tsoga, e tla ba mohlomongwe bera e swere kgopo ka lehlakoreng la gagwe, ka seka. Ka gona o bone maatla a mangwe a tsogela godimo, pudi. E emela se sengwe. Morago o bone maatla a mangwe a tsoga, gomme—gomme e be e le lepogo ka dihlogo tše dintši kudu. Le emetše mmušo o rilego. Morago o bone wo mongwe o tsoga, tau ye kgolo ka meno, gomme—gomme e gatakile mašaledi. Seo se be se emela maatla a go fapana, ka moka mmogo. O tee e be e le—mmušo wa Nebukadinetsara; gomme wo mongwe, mohuta wa—wa toro. Daniele o bone pono; Nebukadinetsara o lorile toro. Eupša Daniele o hlathollotše toro ya gagwe, gomme o be a nepile ka pono.

⁹¹ Amene! Fše! Oo! Ge le ka no tseba se se diregilego! Go diregile eng pele re tloga mo? Le a kwešiša? Gobaneng, ditoro tše tshela tša go otloga di tlile tlwa le pono. Amene. Le a bona? Toro, e hlathollotšwe, ke pono. Gobane motho mohlomongwe a se a belegwa le letswalofase go dula, a phafogile ge a e bona, gona Modimo o tla godimo ka go letswalofase le le go bolela le yena. Leo, O tshepišitše seo, ditorong, mo matšatšing a mafelelo, O tla etela batho, le gape diponong. Le a bona?

⁹² Bjale, pono ke ge o phafogile, o eme thwi ka mokgwa wo, gomme dilo tše rilego di utollwa. Gomme wa ema, wa ba botša feela thwi ka yona; wa bona se se diregilego, le se se yago go ba, le go ya pele.

⁹³ Eupša, bjale, toro ke ge o robetše, gomme dikwi tša gago tše tlhano di sa ikhutšitše, gomme o—o ka go letswalofase la gago. O felotsoko, gobane, ge o etla morago, o elelwa moo o bego o le gona, o e elelwa bophelo bja gago bjohle. Le a bona? Kafao, ke letswalofase la gago. Gona go re, o a bona. . .

⁹⁴ Bjalo ka ge Rakhonkrese Upshaw a fela a re, “O ka se kgone go ba se sengwe seo o sego sona.” Gomme seo e no ba nnete, le a bona.

⁹⁵ Gomme, gona, ge o belegwe mmoni. Bjale, o a bona, go dira seo, matswalo bobedi a swanetše go ba thwi mmogo; e sego le tee *fa* ka dikwi tše tlhano, le dira, le lengwe ntle *fa* ge o robetše le dikwi tše tlhano tše di sa šome. Eupša, le a bona, ge bobedi bja ona, o tswetšwe, thwi mmogo, ga o ye go robala. O no ya go tloga go le letee go ya go le lengwe, boka—boka ka mokgwa woo. Ga o

ye go robala. Ga go sekgoba se lekanego go yo robala. Gomme o ka se kgone go itira wenamong ka tsela yela.

⁹⁶ Kafao, “Dimpho le dipitšo di kgethetšwepele ke Modimo.” Tšona ke—tšona ke dimpho le dipitšo tša Modimo, ebile “ntle le tshokologo,” Beibele e boletše. Le a bona? Ba beilwe pele ga motheo wa lefase. Le a bona?

⁹⁷ Bjale, bjale, re hwetša gore. . . Sebata, sa Daniele, se be se era gore e be e le maatla a tsogela godimo magareng ga batho. Go lokile. Gomme—gomme dipono tša Johane fa, gape, di bontšhitše gore e be e le maatla, ditšhaba di tsoga. Boka, United States e tšwelela ka go Kutollo 13, bjalo ka kwana. Gomme gona ge le nyaka go tseba, go fapana. . .

O re, “Gabotse, seo, seo se bolela ka maatla a setšhaba.”

⁹⁸ Gape se emela maatla a makgethwa, le sona, sebata. A le be le tseba seo?

⁹⁹ Hlokomelang Rebeka; ge—ge mo—mohlanka wa Abraham, Eliasara. . . Ge a etla go tšea Rebeka, o. . . O mo nameditše kamela, yona kamela ye a e filego meetse. Gomme o nametše kamela ye, go gahlanetša monyadi wa gagwe wa go se bonwe. Sona selo se a se filego meetse, e bile selo se se mo išitšego go legae le monnamogatša wa gagwe wa ka moso.

¹⁰⁰ Gomme ke selo sa go swana lehono, le a bona. Sona selo seo Kereke e se nošago meetse, seo ke Peu, Peu ya Lentšu. Ke lona Lentšu leo le bago go phela le go re rwalela go Monyadi wa rena a sa bonwego. Le a bona? Le a bona?

¹⁰¹ Gomme lebelelang ka fao go phethagetšego. Isaka o be a tlogetše legae, gomme o be a le ntle ka mašemong, kgole go tloga legaeng la gagwe, ge Rebeka a mmona.

¹⁰² Gomme Kereke e kopana le Kriste ka moyeng, gomme morago O Mo tšeela morago ka go Legae, Legae la Tate, moo dintlogoparara di lokišitšwego. Isaka o tšere Rebeka ka tsela ya go swana.

¹⁰³ Gomme, hlokomelang, e bile lerato a pono ya mathomo. Oo, nna! O nno kitima go mo gahlanetša.

¹⁰⁴ Gomme yeo ke tsela ye Kereke e tla kopanago le Kriste, ka moyeng, le go ba le Yena go ya go ile.

¹⁰⁵ Bjale, mareo a Beibele, Dibata tše ke maatla. Hlokomelang. Ke nyaka, bjale, ke nyaka le hlokomele.

¹⁰⁶ Diabolo o bile le tša gagwe tše nne, tša go fetoga, dibata tša mebala, go ya pele. O bile le dibata tša gagwe tše nne. Tšeo e bile tšohle boraro bja tšona, di beilwe ka mmaleng o tee, gomme o dirile yela e tee pe—pe pere ye tshela; pere ye tšhweu, pere ye khubedu, pere ye ntsho. Gomme re bone, ye nngwe le ye nngwe ya tšeo e be e le legato la bodiredi bja gagwe, legato la kereke ya pele ye e bopegilego go ya ka go kerekeleina, ka

Nicaea. Kereke ya setlogo ya Pentecostal, godimo ga ye Moya wo Mokgethwa o tšholletšwego ntle, go tleng fase, go tšere moya wa molwalekriste, o bopile mokgatlo, ya tswala barwedi tsoko ba mokgatlo. Go fetola maatla a gagwe, makga a mararo, le go ba bea ka go o tee, gomme o dirile pere ye tshehla. Gomme gona ya fiwa leina le biditšwego Lehu, gomme o e otletše ka Bokagosafelego. Feela pepeneneng boka e ka ba! Bjale, bjale hlokomelang, o filwe pere ye—ye, gomme o a e otlela.

Modimo, Modimo o na le, gape, bjalo ka nako ye nngwe le ye nngwe . . .

¹⁰⁷ Bjale šetšang. Ge molwalekriste a bonagetše, sa pele, o tšweletše ka go eng? Pere ye tšhweu. Le a bona, gobaneng, go hloka molato boka a kgona go ka ba, feela thuto ka kerekeng. Ba nyakile kopanelo. Kopanelo ya lena le Kriste. Eupša ba nyakile kopanelo. Ba nno se kgone go e kgotlelela, ba nyakile go hwetša . . .

¹⁰⁸ Gabotse, le a tseba, boka dihlotswana tše nnyane di tla tsoga ka kerekeng. Lena, le a e tseba, lena badiša. Le a bona? Bona, boka ba re, “Dinonyana tša lefofa.” Eupša ge re tswetšwe gape, baena, woo—woo ga se mokgwatebelelo go tšea, le a bona. Aowa. Bjale, re—re—re . . .

¹⁰⁹ Ge re bona se sengwe sa phošo ka go baena ba rena, a re nong go rapela le go e boloka pele ga Modimo, le go rata monna yola go fihla re mo tliša thwi ka Bogoneng bja Modimo. Le a bona? Yeo ke tsela, ka kgonthe tsela ya go e dira.

¹¹⁰ Le a tseba, Jesu o boletše. “Go tla ba le ngwang ka fale,” gobane Jesu o rile go tla ba, “eupša o se ke wa di tomola; o tla tšea korong le wona.” Le a bona, “E no di tlogela di nnoši.” O tla dira . . . Mo dumelele a dire kgethologanyo ge nako e etla. Le a bona? A nke yohle e gole mmogo.

¹¹¹ Hlokomelang, ge sebata se ile ntle, molwalekriste o tšwetše ntle godimo ga sebata, maatla a gagwe.

¹¹² Oo, ke rata se! Ke no thoma go ikwela bodumedi thwi bjale, le a bona, mohlomongwe tutuetšo. Hlokomelang, ge molwalekriste . . . Oo, tšona—tšona dikutollo, ka Bogoneng bja kgwele yela ya Mollo e lekeletšego fale ka kamoreng! Go fihla . . . Oo, ngwanešu! Le ge ke O bone, ge e sa le ke le ngwana, nako ye nngwe le ye nngwe ge O etla kgauswi le nna, O a ntširua. O nyakile a mpea ka seemong sa go idibala. Ga nke o tsoge o O tlwaela; o ka se kgone. O tšhoša kudu.

¹¹³ Hlokomelang, bjalo ka ge molwalekriste a ile (nne) go dibata tša gagwe tša bodiredi, fale, Modimo o rometše pele Sebata go se lwantšha. Le a bona? Bjale šetšang. Gona, nako ye nngwe le ye nngwe (sebata se nametše) godimo ga pere ya gagwe, molwalekriste o nametše pere ya gagwe, go sebata sa gagwe, go tsebiša bodiredi bja gagwe; Modimo o rometše Sebata sa Gagwe,

gape, gomme O be a le godimo ga Seo, go tsebiša go lwa ga Gagwe go sona.

114 Bjale, Lengwalo le re, “Ge lenaba le etla bjalo ka lefula, Moya wa Modimo o rotoša boemo kgahlanong le lona.”

115 Gomme kafao ge lenaba le ile ntle bjalo ka molwalekriste; Modimo o rometše mohuta wo itšego wa maatla ntle go kopana le yena. Gomme ka gona ge ba . . .

116 O ile ntle gape, bjalo ka monamedi wa pere ye khubedu, mmala wo mongwe, maatla a mangwe, bodiredi bjo bongwe; Modimo o rometše se sengwe morago ga gagwe, go mo lwantšha, go swara Kereke ya Gagwe.

117 O rometše wa boraro; gape, Modimo o romile sa Gagwe, Sebata sa boraro se tlile le go e bega.

118 O rometše wa bone; Modimo o rometše sa Gagwe sa bone. Gomme gona molwalekriste o a fela, gomme mabaka a kereke a fedile, le ona, mo nakong yeo. Šetšang. Bjale, oo, se se lokile ka kgonthe!

119 Bjale, re bona gore diabololo o a fetola, dibata tše nne—tše nne, go rile ke maatla afe di bego di utologile go . . . goba ke maatla afe a a utolotšego go lefase, le ka fao ba feletšego go ye tshehla ye, ya “lehu” pere.

120 Bjale a re lebeleleng maatla a Modimo, a Dibata tše, go di lwantšha.

121 Sebata sa pele sa Modimo, seo A ilego ntle go kopana le molwalekriste ka sona, moya wa molwalekriste ge o le feela ka thutong ya gagwe. Bjale elelwang, ge molwalekriste la mathomo a nametše, o be a le ka go bodiredi bja thuto. Molwalekriste o nametše, pele, ka go bodiredi bja thuta. Bjale šetšang yena yoo a ilego go kopana le yena: tau, Tau ya leloko la Juda, e lego Lentšu. Ge thuto ya gagwe ya maaka e ile pele, Lentšu la therešo le ile go kopana le yena.

122 Ke ka lebaka leo re bilego le Irenaeus, le Polycarp, le—le—le—le baisesa bale, Mokgethwa Martin.

123 Ge molwalekriste yola a be a nametše ka thuto ya gagwe ya maaka; Modimo o rometše Thuto ya Gagwe ntle, Lentšu, Tau ya leloko la Juda, e lego Lentšu le dirilwe go bonagala ka Moya wo Mokgethwa. Gomme Moya wo Mokgethwa, fao, go iponagatša ka Boyena, e lego Lentšu!

124 Ke ka lebaka leo Kereke ya pele e bilego le diphodišo, le mehlolo, le dipono, le maatla, ke ka gobane e be e le Lentšu le le phelago, ka sebopego sa Tau ya leloko la Juda, e otlela go lwantšha yela. Amene! Bjale le a e hwetša? O romela maatla a gagwe, molwalekriste; Modimo o romela la Gagwe, Lentšu. Molwalekriste, thuto ya maaka; Thuto ya therešo e ile le yona, go e lwantšha! Bjale, yeo e bile ya pele. Bjale, ye e be e le Kereke ya pele, boapostola, bjo bo ilego go kopana le yena.

125 Bjale, sebata sa bobedi seo molwalekriste a se rometšego, e be e le sebata se sehubeu, e bego e le go . . . seo a se nametšego, e be e le go tloša khutšo (gomme) lefaseng, le—le ntwa.

126 Bjale, sa bobedi seo se ilego go mo lwantšha, e be e le Sebata pholo. Pholo e ra mokatano, Sebata sa morwalo.

127 Gomme bjale ge re ka no ema feela motsotso. A nke ke, ya, a nke ke, feela gore le be le kgonthe go bona se bjale. Bjale, ke mohuta woo o ka gakantšhago gannyane go lena. Eupša a re fihleng go Thiathira fa. Šetšang gomme le bone ge eba ga se ke—ke Kereke ya go katana, le a bona.

Gomme go morongwa wa kereke ya Thiathira ngwala; Dilo tše di boletšwe ke Morwa wa Modimo, yo mahlo a gagwe a lego boka dikgabo tša mollo, gomme maoto a gagwe a bjalo ka mphiri wo mokaone;

Ke tseba mediro ya gago, . . .

128 Le a bona, go fetoga mediro yohle bjale, le a bona, ka gobane yoo ke yena a bego a otlela ka yena.

. . . le lerato la gago, le tirelo, (le a bona, yohle e no ba . . .) le tumelo, le . . . kgotlelelo, gomme mediro ya gago (gape, gabedi, “mediro ya gago”), le ya mafelelo go ba bontši go feta ya pele.

129 Le a bona, seo se bontšha lela, Lebaka la Thiathira, ka morago ga ge molwalekriste a dutše fase gomme a etla ka go Lebaka la Thiathira, Kereke ye nnyane ga se e kgone go dira selo eupša feela—feela gabonolo go šoma.

130 Gomme selo se sengwe, pholo ke yona, gape, ke Sebata sa sehlabelo. Le a bona? Ba neela maphelo a bona feela ka go lokologa ka mo ba kgonnogo go a fa, ka go mabaka a leswiswi, mengwaga ye sekete kua yeo Bokatoliki bo laotšego lefase. Gomme ba nno ya thwi ka gare, ee goba aowa. Ga se ba tshwenyego go hwa. Ge e be e le lehu, seo se lokile. Ba ile gomme ba hwa, go le bjalo. Gobaneng? Wona Moya wa lebaka!

131 Ke ka lebaka leo bona, ke ka lebaka leo Irenaeus, ke ka lebaka leo Polycarp, Johane, Paulo, banna bale ba bagolo le maatla ntle fale, ba lwantšha selo sela!

132 Paulo o e bone. O rile, “Ke a tseba, gore ka morago ga go tloga ga ka, diphiri tšeo di ya go tsena magareng ga lena, baena, ba ruta dilo tša go fapoga, gomme e tla le gogela kgole.” Lebelela yola wa go kgwahla, yo monnyane, moapostola wa go tšofala a eme fale, mokokotlo wa gagwe o tletše ka megogoma, mahlo a gagwe a nyaganyaga megokgo. Eupša o kgonne go bona kgojana go feta ya bona . . . sekoupo sela se e bapaletša ntle mošola, gore ba kgone go bona mengwaga ye milione tše lekgolo le masomepedi ya sekgala sa seetša. O kgona go bona thwi ka go Bokagosafelego. O be a le fao. Gomme o e akanyeditšepele gomme o rile seo ke se

se bego se tla direga. Gomme o boletše, gape, o ile tlase go lebaka le lengwe la go tla. Bjale hlokomelang, yena šole.

133 Go bapa, ka morago ga gagwe, Mokgethwa Johane o phetše boteleletelele. Gomme ge Mokgethwa Johane a be a leka go tšea Diepistola tšohle tše kgethwa, di tloditšwe ka Moya wo Mokgethwa, le go a bea mmogo le go dira Beibele, mmušo wa Roma o mo swere gomme wa mmea Sehlakahlakeng sa Patimo. O be a le ntle fale Sehlakahlakeng sa Patimo bakeng sa Lentšu la Modimo. Polycarp o be a mo thuša go le fetolela.

134 Ke badile, letšatši le lengwe, lengwalo leo Maria yenamong a le ngwaletšego Polycarp. Le go mo kgalema. . . a sa mo kgaleme. Eupša go mo lebogiša go beng monna wa mogale yoo a kgonneggo go ruta le go amogela thuto ya Jesu Kriste, Yoo a tswetšwego ke yena, go tšwa go Modimo. Noutu ya Maria mong yeo a e ngwaletšego Polycarp.

135 Polycarp o ile a fepša go ditau, le a tseba. Aowa, o ile a tšhungwa. Go—go be go le thari kudu go bona go tlemolla tau ka areneng, gomme kafao ba phušotše ntlobohlapelo, ntlobohlapela fale, gomme ba mo tsenya ka—ka—ka areneng gomme—gomme ba mo tšhumile.

136 Gomme tseleng ya gagwe, go theogeleng tlase, o be a sepela ka hlogo ya gagwe fase. Lešole la Moroma le rile, “O mokgalabje, le go hlompša kudu. Gobaneng o sa latole selo sela?”

137 O nno tšwelapele a lebeletše go leba Legodimong. Gomme Segalontšu se boletše go tšwa felotsoko. Ga se ba kgone go hlaologanya kae. Se rile, “Polycarp, se boife. Ke na le wena.” Uh-huh. Gobaneng? O be a eme le Lentšu lela.

138 Gomme ge ba thoma go pakela dipoto godimo ga gagwe, go mo tšhuma, fao go be go le mmimo wa Legodimo o etla fase. Gomme—gomme dipina go tšwa go sa Morongwa felotsoko di opetše kopelo. Ga se nke a ke lekga le tee a ponya leihlo go mokweri.

139 Banna bale ba bagale. Bao ke banna ba kgonago go ema. Bahwelatumelo tlase go kgabola mabaka, fale, ba tlaišegile gampe. Eupša e be e le eng? E be e le ka tlase ga tšhušumetšo, Moya wa Modimo, maatla. Ke. . .

140 Le se lebale se, kereke. Gomme lena baena, go theipi, ke nyaka le hlahlobe se. Batho ba ka kgona bjang go dira e ka ba eng gape ntle le maatla a Modimo ao a lokolotšwego go bona? Ke ya go bea lepokisi le godimo mo, go emela leo. Ge Modimo a romela Moya wo o itšego magareng ga bona, seo ke selo se nnoši seo ba ka šomago ka sona, ke Moya woo o šomago magareng ga bona. Bjale re tla netefatša go lena, ka histori ya Kereke, le ka go—go bulwa ga Mahuto, le maatla ao a lokollago; gomme šetšang, tlwa, Kereke e arabetše go tlo—tlo tlotšo, gomme ga se ba kgone go dira selo gape.

141 Bjale, sa pele e bile tau yela yeo e rorilego, lela la go seka, Lentšu la go se otswafatšwe.

142 Sa bobedi, ka go Thiathira, e bile pholo. Gomme E be e le mo—mo morwalo. . . Sebata sa morwalo. Ntshwareleng. Gomme gape E be e le Sebata sa sehlabelo. Gomme a seo e be e se tlwa ya go šokiša, Kereke ye nnyane? Roma e be e dutše fase fale, go mengwaga ye sekete ya mabaka a leswiswi, gomme e ka ba eng e sa ipolelago go ba ya kereke ya Roma e bolailwe ka bjako. Gomme ba ile ba swanela go katana, go tloga lefelong go ya lefelong.

143 Lena Mamason, ke tla bitša šedi ya lena. Le elelwa leswao la sefapano? Bjale le—le tseba se ke bolelago ka sona.

144 Bjale hlokomelang. Bjale, ge le ka—ge le ka hlokomela, seo e be e le go rwala le go boloka Beibele yela. Le a bona? Gomme ba ile ba swanela go katana magareng ga bona seng. Ke lena bao, pholo. Gomme ge go etla nako. . . Re e badile bošegong bja go feta. Le a bona, ge selo se ile pele, gomme sehlabelo sa tla, gomme ba ile ba swanela go ya.

O rile, “Le se senye beine le Oli.”

145 Ba dirile eng? Ba sepeletše godimo kua ka go rata gomme ba hwa. Ga se ba ke eupša ba kgathala, gobane Moya wa Kereke ka letšatšing leo e be e le sehlabelo, mokatano. Gomme ba sepeletše godimo feela ka go lokologa boka ba kgonne go sepela, ba tloditšwe ka Moya wa Modimo wa therešo wa lebaka lela, gomme ba hwile boka bagale, sehlabelo; diketekete atiša ka diketekete, dimilione tše masometshela seswai tša bona mo pegong.

146 Pholo, sehlabelo! Oo, nna! A le a e kwešiša? [Phuthego e re, “Amen.”—Mor.] Go lokile. Go lokile. Bjale, sehlabelo, e kgonne feela go katana ka go lebaka lela, go lwantšha tšhitano ye kgolo go mengwaga yela ye sekete.

147 Bjale, sebata sa boraro seo se tšwilego go diabololo, e bile pere ye ntsho. Le a bona?

148 Bjale, Sebata sa boraro se se ilego ntle, maatla go tšwa go Modimo, go mo lwantšha, go lwantšha maatla a pere ye ntsho; e be e le motho, mahlajana, setswerere, ka bohlae bja Modimo. Le a tseba, motho ke setswerere, go feta e ka ba sefe sa dibata. Le a bona? Yena ke setswerere, gobane o kgona go di hlalefetša, gantši. O ne mahlajana, go tsaroga phoka. Le a bona? Gomme o . . .

149 Le—le lebaka, go tloga lebaka la leswiswi, bjale go tlang go tšwa go lebaka la leswiswi; bjale, lehlakore le lengwe le, ge pere ye ntsho ye e be e kata, mola ba be ba rekiša bakeng sa sehlabelo sa bona—sa bona—sa bona—sa bona le se sengwe le se sengwe ba se dirilego. Gomme tšhelete e be e no ba. . . Oo, le tseba ka fao e bego e le.

150 Bjale, selo sa go latela se ile ntle, go lwantšha seo, e bile Sebata ka sefahlego sa motho; setswerere, wa go rutega, wa mahlale, yo mokaone, a tloiditšwe ka Moya wa letšatši lela. Le a e lemoga? Bjale, o ile go mo lwantšha, ka mahlajana a bohlale bja Modimo le yena. Leo e bile lebaka la mpshafatšo, Martin Luther, John Wesley, le go ya pele. Le a bona, e be e le mpshafatšo. Zwingli, le, oo, bomang bohle, Knox, Calvin, le bomang bohle, le a bona, ba ile ntle. E be e le mahlajana. Gomme bjale, le hlokomelang, tlwa go tloga go lebaka la leswiswi, go tšwa go mpshafatšo, ka tsela ye, šetšang, e be e le bohlale bja motho.

151 Ge le ka theoša mafastere a lena feela nthatana gannyane! Ke a dumela batho ba ba mohuta wa go ruthela gannyane, ya, mohlomongwe, ka fale. Ge le ka no gogela mafastere fase feela gannyane nthatana! Gobane, ke a tseba, ge eba nna ke eme fa ke rera, go fiša, ke a tseba le a tlemega go ba, ntle fale.

152 Gabotse, hlokomelang, e bile bohlale bja motho. Bjale, a le a kwešiša?

153 Sebata sela sa boraro se Sathane a se rometšego ntle, o tlile a ba bohlale, le yena. Šetšang, “Leselwana la korong ke peni. Maselwana a mararo a bali ke peni.” Le a bona? Oo, nna! Le a bona? Sekimi sa go dira tšhelete, bohlale, go hwetša gauta ya lefase, le lehumo, ba tlišitše ka go yona. Seo ke tlwa go phethagatša. Seo ke se se thomilego go lefiša bakeng sa dithapelo. Gomme go. . . Dirile lefelo le bitšwago phekatori, gomme ba rapela bokhukhu ba bona. Gomme, oo, o be o swanetše go fa wili ya tokelobodulo ya gago le se sengwe le se sengwe, thoto ya gago. Kereke, gomme e be e le mmušo, go be go swana, gomme kereke e tšere thoto ya gago.

154 Gomme a ga le bone, ba bangwe ba baebangedi ba, letšatšing le, ba sa na le tlotšo yela ya go swana godimo ga bona? Go direng batšofadi go neelana ka phenšene ya bona, le go dira tokelobodulo ya magae a bona godimo go dilo tsoko. Gobaneng, ngwanešu, ga—ga ke nyake go fihla go seo, le a bona. Eupša bjale ke tla dula thwi le se; ke lebelela morago go bona mo ke yago. Bjale hlokomelang, bona banna, yeo e ya ka bona. Yeo e ya ka bona. Seo—seo—seo ga se ne selo se tee go dira le nna. Ke no ba le maikarabelo go Ye fa.

155 Bjale hlokomelang, se—se Sebata se tla go e lwantšha, bjale, e be e le motho. Gomme bohle re a tseba gore Sebata se, sa motho, maatla a a motho, ka mahlale a gagwe, o lemogile gore senkgwa sela seo Martin Luther a bilego le sona ka seatleng sa gagwe, ge a be a namela ditepisi tšela. . .

156 Ba rile, “A ke Madi a Jesu Kriste. Wo ke mmele wa Jesu Kriste.”

157 Gomme Luther o se lahletše fase, gomme a re, “Ke borotho le beine. Ga se mmele wa Kriste; ka gore, o phagamišitšwe, gomme

o dutše ka seatleng se setona sa Modimo, go dira poelano.” Le a bona, bohlale; le a bona, motho.

158 Gomme ge John Wesley a etla mmogo, ka morago ga ge Zwingli a tlile ka gare, le Calvin.

159 Gomme ba išitše kereke lefelong, ka tšhireletšo, go fihla ba sa hlwele ba nyaka ditsošetšo. “E ka ba eng e yago go ba e ya go ba.” E be e le sohle. Gomme ba nno phela mohuta e ka ba ofe wa maphelo. Kereke ya Lutheran e phetlilwe kudu, le kereke ya Anglican! Oo, nna! Naga ka moka e senyegile, go no swana le ge e le bjale. Dikereke di be di phetlilwe. Ge Kgoši Henry wa—wa VIII, le go tla ka Engelane, le ka morago ga Maria wa madi, le dilo tše tšohle di diregile. Gomme, ka gona, kereke e be e tletše kgaruru le tshenyego. Bontši ba tleleima Bokriste, gomme ba phela le basadi ba bane goba ba bahlano, goba go dira e ka ba eng ba nyakilego go e dira, le go ya pele, le tšhila.

160 John Wesley, a ithuta Lengwalo, a Le šeditše, e utollotšwe go yena gore Madi a Jesu Kriste a hlwekiša modumedi. Gomme o . . . ga se se o swanele . . . Gona o dirile eng? O tšwile ka mpshafatšong ye nngwe. O phološitše lefase letšatšing la gagwe, boka Luther a dirile. Le a bona? E be e le eng? Motho yola, maatla a Sebata, a kgatlampana.

161 Efa motho bohlale, bja kwešišo, gore selo se fošagetše. “Ao ga se Madi a Jesu Kriste. Woo ga se mme—mme mmele wa Jesu Kriste. Seo se emela mmele.” Le a bona?

162 Seo e sa le kgogakgogano ye kgolo magareng ga Katoliki le Protestant bjale. Seo ke selo se nnoši le ka se kgonego go tla mmogo thwi bjale. Se sengwe le se sengwe gape, ba ka kgona go tla mmogo, eupša seo; tše ka go tšona dikhansele ba nago natšo. Hlokomelang bjale. Eupša, se, eupša ga—ga se ba kgona go tla mmogo go seo. Le a bona?

163 E tee, “Ke Madi, le,” e re, “ke Madi a nnete; gore moprista o na le maatla go fetolela borotho bjo go mmele wa kgonthe wa Kriste.” Seo ke se tabarenekele ye nnyane e lego, ka go—go—ka kerekeng, le a tseba. Ke ka lebaka leo ba dira maswao le mohuta e ka ba ofe wa moneelo wa bohetene ge ba eya go feta, le a tseba, le go inama bonabeng, le go tekola dikefa tša bona, le go ya pele. Seo ga se go moago; ke go senkgwa sela seo se lego ka ta—ta tabarenekeleng. Gomme hlokomelang ka fao Sathane a gogilego seo ka bohlale!

164 Eupša, le a bona, ka nako yeo, godimo ga go beng ga motho, le a bona, Modimo o beile Moya wa bohlale godimo ga motho, go kwešiša seo ke phošo. Bjale, seo e be e le go lwantšha sebata sa boraro, seo se dirilego kereke go senyega kudu, seo a bego a se nametše, gore go be go šiiša. Bampshafatši, ba dirile eng nako yeo, bona ka go lebaka la bampshafatši? Ba tlišitše Kereke, go tloga go meletlo ya yona ya sehetene ya medingwana, morago

go Modimo gape. Le a bona? Seo ke se Sebata se ilego pele, go mahlajana a motho, monamedi, go e dira.

¹⁶⁵ Bjale, eupša, balang bjale temana ya 3 le. . . goba, Kutollo 3:2, feela motsotso. Bjale, ke na le yona e marakilwe fase fa bakeng sa lebaka tsoko. Bjale le ke, le a tsena bjale, lebaka la Lutheran, ka go lebaka la bampshafatši, la Kutollo 3:2.

¹⁶⁶ Se ba se dirilego, ba kगतlofaditše. Ka pela ge Luther a dirile kereke ya gagwe go thoma go ya pele, ba e kगतlofaditše. Go lokile, selo sa go swana Wesley a se dirilego. Selo sa go swana Pentecost e se dirilego, tlwa, ba e kगतlofatša. Gomme ba dira eng? Ba tšea tshepedišo ya go swana ye ba tšwelego ka go yona. Le a bona?

¹⁶⁷ Bjale šetšang se, Kutollo, go bolela ka kereke ye ya Sarede. “Go morongwa wa kereke,” ke temana ya 1, ka nnete. Le a bona? Go lokile.

Phafogang, gomme le tiiše dilo tše di šetšego,

¹⁶⁸ Ke gore, “Lentšu leo o le rutilwego,” le a bona, “dilo tše di šetšego.”

. . . tšeo di lego komana go hwa: . . .

¹⁶⁹ Yena o komana thwi nako yeo go thomiša morago ka go mokgatlo feela boka kereke ya Katoliki a tšwilego ka go yona. Le a bona?

. . . gobane ga se Ke hwetše mediro ya gago go phethagala pele ga Modimo.

¹⁷⁰ Aga nkeke. Go na le. . . Yena šole o a ya, thwi morago gape. A ga le bone gobaneng ditshepedišo tša mokgatlo di fošagetše? Ke mang a e thomilego? A Modimo o dirile? A baapostola ba dirile? Kereke ya Katoliki ya Roma e e dirile. Bjale feela a nke rahistori e ka ba ofe a bolele go fapana. Ga e gona. Bona ba, ba bolela gore ke bona mme kereke, gomme ke bona. Eupša ba kगतlofatša selo, le go bea tshepedišo, ka hlogo ya motho go yona. Gomme ga se re tšee monna yo motee, boka ba dirile; re tšea khansele ka moka ya banna, ra e bea mmogo, gomme ka kgonthe o ne tlhakatlhakano. Yeo ke nnete. Go kgonagala bjang khansele, e ka ba bjang?

¹⁷¹ Go no swana le, re nagana temokrasi e a rereša. Ke a dumela ke yona, le nna, eupša e ka se tsoge ya šoma gabotse. E ka se kgone. Ka sehlopha sa boRicky tikologong fa go e sepetša, o ya go kgona bjang go ke wa e lokiša? O ka se kgone. Hlokomelang, selo sa nnete e be e le kgoši ya bomodimo.

¹⁷² Hlokomelang Sebata, Sebata sa boraro, bjale, e be e le mahlajana a motho. Gomme o emetše bampshafatši bao ba ilego pele.

¹⁷³ Go tšwa go modingwana wa maitirelo, wa go tšea, a re, “Bjo ke borotho.” “Ye ke beine.” Le a bona, molwalekriste o sa na le se sengwe se swantšhago Bokriste. O swanetše go, gobane o

“kgahlanong,” le a bona. Gomme gona, ge eba o swanetše go ba kgahlanong le se sengwe. . .

174 Bjale, ge a etla gohle mmogo, a re, “Oo, ke nna Buddha.” Gabotse, seo ga se ne selo. Bohle ba a dira. Yoo e no ba mohetene, le go thoma.

175 Eupša molwalekriste o mahlajana. O na le mehuta yohle ya dilo tšeo di emelago Bokriste fale. Feela, e thomiša ka lehlakoreng le lengwe, se sengwe kgahlanong le Thuto ya setlogo ya Bjona. Le a bona, seo ke se se mo dirago molwalekriste. Le a bona?

176 Kafao, bampshafatši, ge Sebata se ile pele ka sebopego sa mo—mo motho, go lwantšha seo!

177 Bjale, le se lebale se, tlelase! Le se se lebale! Le a bona? Elelweng Yona, matsatši ohle a bophelo bja lena! Le a bona? Dibata tše di nepagetše. Ke O RIALO MORENA. Le a bona?

Hlokomelang, go rapela medingwana go tlišitše. . .

178 Motho Sebata o ile pele ka maatla a Modimo, ka bohlale bjoo Modimo a mo filego, gomme o tlišitše Kereke go tloga go go rapela medingwana wa maitirelo, morago go Modimo. Eupša ka go. . .

179 Re hwetša, ka go lebaka la go swana la kereke, ge ba thomile go dira bokereki, go dira selo sa go swana seo ba se dirilego mo mathomong, seo Roma e se dirilego, bjale o ya go dira barwedi go kereke yeo. Gomme o bolela eng?

180 O rile, “Bjale ka gore o . . . Ga se Ke go hwetše go phethagala. Gomme o swanetše go maatlafatša maatla ale a manyane o a šadišitšego.” Bjale theetšang Yena a ba sebotša, ka go Kutollo gape, 3:3. A re hwetšeng. . . Gabotse, ke a dumela ke e hweditše, feela metsotso e se mekae ya go feta.

Elelwa go tšwa ka fao o amogetšego le go kwa, le go swarelela, le go sokologa.

181 Feela, go se go bjalo, “Elelwa gore o tšwa go tshenyego e bjalo ka yela.” Le a bona? Gomme lebelelang fa.

. . . Ge kagona o ka se šetše, Ke tla tla go wena bjalo ka lehodu, (uh-huh), gomme wena o tla tseba. . . gomme wena o ka se tsebe iri ye Ke tla tlogo godimo ga gago.

182 Pele go theoga, O ya go šuthiša sehloakerese, le a bona. Kafao, yeo ke yona. Ke eng? Seetša sa Kereke.

183 Gomme o ile thwi ka go tshapedišo ya go swana ya mokgatlo ya leswiswi la bohetene yeo a tšwilego go yona, gomme šole o dutše lehono, le batho ba pelo ya go botega ba nagana gore yeo ke Therešo, feela go swana le ge Makatoliki ba le. Gomme Maprotestant ba sega Katoliki; mola, ke tshela ya e tee, le seripa sa tasene ya ye nngwe, tlwa, go ya ka Lentšu. Bohlale bja motho!

184 Bjale hlokomelang. Oo, ke rata Se bjang! Mo theetšeng bjale a ba sebotša. Bjale, bjale re... A le dumelana ka go phethagala, yo mongwe le yo mongwe wa lena? Bjale, ge le sa dire, nngwaleleng potšišo. Gore, Dibata tšela di tsebagatšwa tlwa ka go lebaka le lengwe le le lengwe, bjalo ka ge Beibele e di tsebagaditše fa. Seo ke tlwa se ba se dirilego fale. Histori e bontšha se ba se dirilego. Re lebelela thwi fa le go bona se ba se dirilego.

185 Gomme fa, tšona Dibata, ga—ga—ga se nke ka ke ka tseba seo pele. Ke be ke no dula fale. Ke no kgona go e bona e sepelela godimo fale, feela ka tsela ye ntebeletšego. Le a bona? Gomme e swanetše go ba nnete, gobane e thwi fa le Beibele. Kafao o ya go dira bjang e ka ba eng gape eupša go re ke nnete? Hlokomelang.

186 Bjale, Sebata sa bone seo se bego se rometšwe go lwantšha molwalekriste, ka go Sebata se sa mafelelo. A le komana? Sebata sa mafelelo se bego se rometšwe pele, goba maatla a mafelelo go lwantšha molwalekriste yo a bego a le kgahlanong le Thuto ya Modimo, molwalekriste, e be e le ntšhu. Le a bona? Sebata sa bone se se phelago e be e le ntšhu. Bjale, le no ithuta mabaka, e ithuteng Mangwalo. Ke ntšhu! Gomme ka Beibeleng, lebaka la mafelelo e be e le lebaka la ntšhu. Gomme Modimo o swantšha ntšhu le bapofeta ba Gagwe. Le a bona? E... Bjale hlokomelang. Lebaka la mafelelo, lebaka la ntšhu, mo—mo moutolli wa Lentšhu la therešo. Le a bona?

187 Pele Modimo a tšea kgato, boka A dirile mo matšatšing a Noage, O rometše ntšhu. Ge A tlišitše Israele, gomme madira a Farao a be a loketše go ya, O rometše ntšhu. Nako le nako, O romela ntšhu mafelelong, bofelo bja lona.

188 Gomme mo O romela ntšhu, gape. Seo ke tlwa le Lentšhu. Kafao o ka kgona bjang go e dira e ka ba eng gape? O romela ntšhu, (gobaneng?) moutolli wa Therešo yeo e bego e ewa gohle kgabola lebaka.

189 Kafao go ka tsoge gwa kgonagala bjang pho—pho pholo, goba mo—goba motho, goba e ka ba Sebata sefe se bego se nametše, e ka tsoge ya utollwa bjang go fihla ntšhu e etla? Di bile le lefelo la tšona; di be ba le bomodimo, Dibata tše di rometšwego, go no swana le e ka ba mang gape a bilego.

190 Tau, yeo e be e le ya setlogo. Fao ke mo molwalekriste a tlilego godimo ka go—ka go lwa.

191 Morago o tsošitše maatla a mangwe; O rometše maatla go mo gahlanetša.

192 Morago o tsošitše maatla a mangwe; O rometše maatla a mangwe go a gahlanetša.

193 Gomme ka gona ka maatleng a mafelelo, O tliša ntšhu fase, “Go bušetša bana morago go Tumelo ya setlogo gape, ya botate ba bona.” Lebaka la ntšhu! Gona, le a hlokomela, ga go sa na

Dibata. Sela ke sohle sa yona. Yela ke bofelo. Bjale, ge le ka tšea bjale Kutollo 10:1, 7. Ke be ke šupa go yona. Elelwang, ka go lebaka la motseta wa mafelelo, le a bona, se se bego se tla direga? “Diphiri tšohle tša Modimo di tla utollwa.” Ntšhu! Amene!

¹⁹⁴ Bjale le bona dibata tše nne tšela di katilego. Sela se bile thwi ka go phethagala. A le dumela seo? Gomme bjale lebaka le lengwe le le lengwe šele, goba maatla a mangwe le a mangwe ao a katilego ka morago ga yona. Gomme go na le Lengwalo leo le bontšhago se monamedi wa lenaba a se dirilego. Seo se utolotšwe ka go Mahuto a. Gomme gape se utolotšwe bjale gore Sebata se sengwe le se sengwe, maatla ao Modimo a a rometšego ntle, go se lwantšha, a betha tlwa mo mothalong, godimo go nako ya ntšhu. Bjale, ge ye e le nako ya mafelelo, go tla tla ntšhu, thwi, le go yeo. Bjale, elelwang.

¹⁹⁵ Bjale, ka matšatšing ao tau e tlilego, Lentšu la setlogo, e ka ba tee lekgolong la bona e theeditšego tau.

¹⁹⁶ Mo matšatšing ao pho—pho pholo e tlilego, feela nthatana ye nnyane ya lerothi la bona ba theeditše molaetša wa pholo.

¹⁹⁷ Mo matšatšing ao mo—mo motho a tlilego, o šomile magareng ga batho, le a bona, kafao O be a le bohla. O ntšhitše sehlopha se sennyane.

¹⁹⁸ Gomme ba dirile eng? Sathane o bone seo, kafao o no ba romela thwi morago le go ba nyalantšha ka go yona.

¹⁹⁹ Gomme elelwang, ge ntšhu mafelelong e etla, e tla ba tee lekgolong la phesente ye tee e tlogo go theetša. Ke lebaka la ntšhu. Elelwang, ke banamedi ba bohle ba bangwe ba . . . Gomme gona ebile le Jesu o akanyeditšepele, “Ge A ka se potlakiše go Tla ga Gagwe, go ka se be le nama efe, le gannyane, e phološitšwego bakeng sa Tlhatlogo.” A leo ke Lengwalo? Le a bona moo re lego gona, a ga le, ngwanešu le kgaetšedi? Le bona moo re lego?

²⁰⁰ Modimo, ke thakgetše kudu, ga—ga—ga ke tsebe ke dire eng! Eupša ke . . . Yo e no se be nna ke emego fa go—go bolela. Ke ka fa, le nna. Nna, ke magareng ga lena. Le a bona, nna, Ke nna. Ke ne lapa. Gomme ke ne banešu le dikgaetšedi bao ke ba ratago. Gomme Modimo wa Legodimong, botho go lekanela go theoga le—le go utolla selo sela, ka ya Gagwe Mong . . . ka dipono tšeo di netefaditšwego lebaka la mengwaga ye masometharo, ke Therešo. Re mo. Rena re . . . Re gorogile. Ke phetho. Diphathišišo tša saense di E netefaditše. Go hlatselwa ga Lentšu go E netefaditše. Gomme re mo! Gomme Kutollo ye e tšwa go Modimo, gomme Ke Therešo!

²⁰¹ A le swere e ka ba eng? [Phuthego e re, “Amene.”—Mor.] Ke nno makala ge eba o be o le. Le a bona? Ee, mohlomphegi. Nka no se swanele go le botša gona, Lamorena. Hlokomelang. Hlokomelang. Semaka! Bjale, bjale, hlokomelang bjale.

202 Gomme ka gona go ya ka na—na nako ye Modimo a bego a eya go lokolla lefase la pele ga meetsefula, O rometše ntšhu.

Gomme nako ye A bego a eya go lokolla Israele, O romile ntšhu.

203 A le dumela gore nako, ebile le go Johane, mo Sehlakahlakeng sa Patimo, Molaetša wo o be o phethagetše kudu go fihla A sa kgone go O tshema ka Morongwa? Le a tseba, morongwa ke motseta. Eupša a le a tseba motseta o be a le moprofeta? Le dumela seo? A re e netefatšeng. Kutollo 22, a re boneng ge eba e be e le ntšhu. Ya. Le a bona, o be a le . . . Kgonthe, o be a le morongwa, ke yena motseta, eupša e be e le moprofeta yo a utolotšego Puku ye ka moka ya Kutollo go yena.

204 Kutollo, tema ya 22 le temana ya 19, Ke a dumela yeo ke nnete ge eba ke ne yona e ngwadilwe fa . . . 22:19, nka no ba phošo. Aowa. [Yo mongwe o re, “Ke 22:9, mohlomongwe.”—Mor.] 22:9, ke yeo e lego. Ke be ke lebeletše go 22:9. Yeo ke nnete. Oo, ee, še.

Morago o rile go nna, Bona o se e dire: gobane ke nna wa bahlankammogo ba gago, le wa baena le baprofeta ba gago, . . .

205 Šetšang se Johane a se bonego mo.

. . . Nna Johane ke bone dilo tše, gomme ka di kwa.

206 Bjale o a tswalela. Ye ke tema ya mafelelo.

. . . Gomme ge ke . . . kwele le go bona, ke wetše fase go rapela pele ga maoto a morongwa yo a laeditšego dilo tše, yo a ntaeditšego dilo tše.

207 Gomme, “yena,” gona, “morongwa,” le a bona.

Morago o rile go nna, Bona o se e dire: . . .

208 Ga go moprofeta wa therešo a bego a tla rapelwa, goba motseta wa mohuta e ka ba ofe, le a bona. Seo ke go Modimo a nnoši.

Morago o rile go nna, Bona o se e dire: gobane ke nna mohlankammogo wa gago, le wa baena le baprofeta ba gago, le go bona bao ba bolokago dipolelo tša puku ye: rapela Modimo.

209 Le a bona? Bjale, Puku e be e le ye bohlokwa kudu, gore, Ke Lentšu la Modimo. Bjale šetšang. Gomme ge Lentšu la Modimo le tlišwa pele, Le swanetše go tlišwa ke moprofeta, ka gobane ke yo Lentšu la Modimo le tlogo go yena.

210 Ke be ke letetše go hwetša potšišo ka seo, ka—ka lepokising le mo. Ke naganne ke tla no ba betha go yona, gannyane nthatana, le a tseba. Ke no ikwela go ne o tee ka fale ka mokgwa woo, ke phetho. Ke—ke nno nagana ke tla tla go yona, le a bona. Le a bona?

211 Lentšu le lengwe le le lengwe la Modimo le a tlišwa. Beibele ga e fetole tshapedišo, le gatee, le a bona. Ke selo sa go swana. Le swanetše go tla go mmoni yo yoo re mo letilego go goroga, hlokomelang bjale, Kutollo 10:1, 7.

212 Bjale a re baleng te—te temana ya 9 gape. Bjale re hwetša . . . re . . . Bjale, pele re eya go temana yela, ke nyaka go le botšiša se sengwe.

213 A le a bona, ka go phethagala, pele re tlogela Mahuto a? Bjale elelwang, ga go sa na maatla a yago ntle ka morago ga ntšhu yela, le a bona, gape. Nako le nako molwalekriste o rometše pele se sengwe, Modimo o rometše maatla. Molwalekriste o rometše maatla a mangwe; Modimo o rometše se sengwe go a lwantšha. Ka gona o rometše maatla a mangwe; Modimo o rometše se sengwe go a lwantšha. Le a bona? Gomme ka gona ge A fihla fase go ntšhu, leo e be e le Lentšu la Gagwe, morago boka Le bile lefelong la pele.

214 Bjale šetšang. A moprofeta yo re mo lebeletšego go tla ga se, monna tsoko a tloditšwe ka mo—ka Moya boka Eliya? Go ka se be Eliya, ka nnete. Eupša e tla ba monna, boka yoo, a tla theogago. Gomme bjona bodiredi bja gagwe ke go romela, go bušetša morago, go batho ba ba welego ka dimenekano tše tša kerekeleina, morago go Tumelo ya setlogo ya botate. Bjale, ge seo se sa tleme Beibele yela mmogo, ga—ga ke tsebe ke eng e dirago. Nka—nka—nka se kgone go bolela gape ka yona, gobane yeo ke yona. O no fihla. Yeo ke Therešo. Le tšea e ka ba eng go tloga fao, la e phetla. Le a bona? Kafao, yona, e no swanela go ba ka tsela yeo.

215 Bjale hlokomelang, bjale, ka go temana ya 9, “Disoulo ka tlase ga aletara.” Bjale, fa ke moo ke yago go hwetša go se dumelwane go itšego ga kgontho. Eupša le no šetša motsotso feela. Gomme feela . . . Le a bona? Ke naganne seo, gape, eupša ga se sa tla ka tsela yeo. Re na le . . . Ka mehla ke naganne gore disoulo tše ka tlase ga aletara di be di le ba—ba—ba bahwelatumelo ba Kereke ya pele. Gomme ke ne kgontho gore, gabotse, Ngk. Uriah Smith, le yo mongwe le yo mongwe wa bona, o re ke bona. Le a bona? Eupša, ke naganne bjalo, nnamong. Eupša ge Moya wo Mokgethwa o laeditše pono go wona, e be e se; ga se disoulo.

Bjale, bjale o re, “Gabotse, bjale, ga ke tsebe ka seo.”

216 Gabotse, bjale, feela motsotso, re tla hwetša. Lebelelang. Tše ga se disoulo tša—tša Kereke Monyalwa, le gatee. Re naganne yola e be e le Kereke Monyalwa a letile fale, disoulo ka tlase ga aletara, le a bona, di goeletša, “Botelele gakaakang, Morena, botelele gakaakang?” A nke ke e bale gape bjale, gore re e hwetše gabotse.

Gomme ge a butše lehuto la bohlanu, ke bone ka tlase ga aletara disoulo tša bona bao ba bolaetšwego lentšuu la Modimo, le bakeng sa bopaki bjo ba bo swerego:

217 Le a bona, "Lentšuu la Modimo, le bopaki bjo ba bo swerego." Bjale, o se ke—o se ke wa šutha go tloga fao. Motsotso feela, le a bona.

Gomme ba goeditše... Botelele gakaakang,... Morena, botelele gakaakang? ... (le a bona?)... mokgethwa le go rereša, o tla go... ahlola le go lefeletša madi go bona ba ba agilego lefaseng?

Gomme dikobo tše tšhweu di filwe go yo mongwe le yo mongwe wa bona; gomme go rilwe go bona, gore ba swanetše go khutša efela bakeng sa sehla se sennyane, go fihla bahlankammogo ba bona le bona le—le... baena, bao ba swanetšego go bolawa bjalo ka ge ba be ba le, ba swanetše go phethagatšwa.

218 Bjale, ka gore bona, mo nakong ye, ge le ka hlokomela, Lehuto le la Bohlanu go bulweng, le a bona, Kereke e sepetše. E ka se no ba, disoulo ka tlase ga ke—ke Kereke ya pelepele.

219 Bjale, bjale, hle, ge eba o kile wa fa ye šedi bjale, gobane ye ke ye kgolo kgakga-... kgakgano, kafao ke nyaka o theetše kgauswi kgonthe bjale. Gomme o a ya o tšea dipampiri tša gago, le dilo go ngwala ka tšona. Bjale, ke le nyaka le hlokomele.

220 Bjale, tše di ka se kgone go ba tšona disoulo. Gobane, di—di disoulo tša—tša baloki, bahwelatumelo, batho ba baloki, Kereke, Monyalwa, šetše di rotošitšwe, kafao di ka se be ka tlase ga aletara. Di tla ba ka Letagong, le Monyalwa. Bjale šetšang. Ka gore, di ile ka Tlhatlogong, ka go tema ya 4 ya Kutollo. Di rotošitšwe.

221 Bjale, disoulo tše ke bomang, gona? Seo ke selo sa go latela. Ke bomang bona, gona, ge ba se Kereke ya pele? Ye ke Israele yeo e yago go phološwa bjalo ka setšhaba, bohle ba bona bao ba kgethetšwego pele. Yeo ke Israele. Yeo ke Israele, yonamong.

222 Le re, "Oo, ema motsotso." Le re, "Ba ka se kgone." Oo, ee, ba ya go phološwa.

223 Fa, a re e dudišeng, feela motsotso. Ke ne Mangwalo a mane goba a mahlano. Ke tla tšea le tee. A re tšeeng Baroma, motsotso feela, gomme re hwetšeng ge eba ke bona. A re tšeeng Puku ya Baroma, gomme re ye go te—te tema ya 11 ya Baroma, gomme re tla hwetša. Feela... A re nong go e bala, gomme ka gona re tla ba le yona ka borena. Baroma, tema ya 11, temana ya 25 le ya 26. Bjale theetšang Paulo fa.

224 Gomme Paulo o rile, "Ge e ka ba mang gape, ebile le Morongwa, a rerile ebangedi e ka ba efe ye nngwe," (eng?) "o be a swanetše go rogakwa." Šetšang.

Ka gore ga ke rate, baena, gore le hloke tsebo ya sephiri (uh!), gore le se be bohlale ka kgopolo ya lena beng (ke lena bao); bo bofofu ka go le lengwe bo diragaletše Israele, go fihlela phethagatšong, botlalo bja Bantle bo tsene.

225 Monyalwa wa mafelelo wa Bantle o tlišitšwe ka gare, bakeng sa Monyalwa, bofofu bo tla go Israele bakeng sa morero woo.

Gomme kafao Israele e tla phološwa yohle: boka go ngwadilwe, Molokolli o tla tšwa Sione, gomme o tla tloša bohlokamodimo bakeng sa Jakobo:

226 Thwi! Bjale, ke bona Israele, yeo e lego ka tlase ga aletara ye. Šetšang. Israele e be e foufadišwe bakeng sa wona morero wa rena go phološwa. Le dumela seo? Bjale, ke mang a ba foufadišego? Modimo. Modimo o foufadišše bana ba Gagwe Mong.

227 Ga go makatše, Jesu, a eme fale mo sefapanong, gomme bona Bajuda ba ngautša bakeng sa Madi a Gagwe! Bale e be e le digotlane tša Gagwe Mong. Gomme O be a le Lengwalo. O be a le, Yenamong, Lentšu. Gomme fa, Yena a tseba gore batho bale ba ka be ba Mo amogetše ka thakgalo! Gomme ke ka lebaka leo A ba foufadišego, gore ba se Mo lemoge. O tlile ka tsela ye e kokobetšego, gomme a ba foufatša go yona, gore ba se ke ba e amogela. Le a bona? Lengwalo le rile ba tla e dira. Gomme O foufadišše. Ba be ba foufadišwe! Jesu o ba kwetše bohloko, ebile bontši kudu, boka A rile, “Tate, ba lebalele. Ga ba tsebe se ba se dirago.” Le a bona? Ba be ba foufetše. Paulo o rile ba be ba foufadišwe bakeng sa taba, go rena.

228 Hlokomelang. Bjale ke nyaka le šetše se kgauswi ka kgonthe. “Ba filwe dikobo.” Ba be ba se natšo. Ba filwe dikobo, dikobo tše ditšhweu, yo mongwe le yo mongwe wa bona. Bjale, bakgethwa bjale ba na le, šetše ba na le yona; ba e hwetša fa. Eupša, fale, “Ba filwe dikobo.” Gomme bakgethwa šetše ba ne tša bona, gomme ba ile pele. Le a bona? Le a bona? Ga se ba be—ba be. . .

229 Bona, le a bona, ga se ba be le sebaka, gobane ba be ba foufadišwe ke Modimo, Tate wa bona mong; gore mogau wa Modimo o kgone go phethagatšwa, gore Monyalwa a kgone go tšewa go tšwa go Bantle. A yeo ke nnete?

230 A nke—a nke ke le bontšhe sekai se sebotse fa ka go Josefa; Josefa, monna wa Moya, ntšhu. O tswetšwe magareng ga bana babo, feela boka Kereke ya kgonthe e le magareng ga tše dingwe. Gomme o kgonne go hlatholla ditoro le go bona dipono. Gomme ka moka ga bona ba mo hloile. Tatagwe o mo ratile.

231 Hlokomelang, nako yeo, o be a le ntle, a rakilwe ke baena ba gagwe, e sego ke tatagwe. Ntle, ke baena ba gagwe, gomme o rekišitšwe ka e nyakile e le thoro tše masometharo tša silibere. O lahletšwe ka moleteng, gomme a tšeelwa go be a hwile.

232 A tšeelwa godimo, le go dula ka seatleng se setona sa Farao. Gomme ka gobane o ntšhitšwe ke baena ba gagwe, le a bona, o filwe monyalwa wa Montle, e sego batho ba gabo mong. Go kgabola fale, o belege Efuraimi le Manase, bao ba okeditšwego go Israele.

233 Ge Israele a ba šegofatša, ka go fapanya diatla tša gagwe, go tloga go yo monnyane go ya go yo mogolo, go fapanya ditšhegofatšo go tšwa go Mojuda, morago . . . goba go tloga go Mojuda go ya go Montle. Le a bona? O fapantše diatla tša gagwe, go morwa yo monnyane, e lego Kereke ye nnyane go tšena. “Mm—mme mme kereke o eme ka letšatšing; o tlišitše pele lesea le.” Gomme hlokomelang, go mo hwetša, Israele o fapantšhitše diatla tša gagwe, ka sekai. Gomme Josefa . . .

Bona bana ba go swana, e be e le mme wa Montle.

234 Monyalwa wa Israele, morago fale, o fapantšhitšwe, go tloga go Orthodox ya kgale, godimo go tsela ya Bokriste, ka Moya wo Mokgethwa woo o fapantšego diatla tša Israele. O rile, “Modimo o fapantšhitše diatla tša ka.” Ga se a be le selo go dira le yona.

235 Hlokomelang. Ka gona, Josefa, o gannwe ke baena ba gagwe mong, batho ba gabo mong, o tšere monyalwa wa Montle. Feela tlwa se Jesu a se dirilego; go ganwa ke Bajuda, o tšere Monyalwa wa Bantle.

236 Bjale a re baleng se sengwe mo. Ke na le Lengwalo le ngwadilwe fase, Ditiro 15. Gomme, oo, ye e no ba mohuta wa feela se re swanetšego go se ruta, golebjalo. Bjale, ke a dumela ke ne ye gabotse, go bala Ditiro 15:14. Go lokile. Ke a holofela ye e gabotse bjale. Go lokile. “Simeone o begile ka fao Modimo . . .” Aowa, a re thomeng go temana ya 13.

Gomme ka morago ga ge ba be ba homotše, Jakobo o arabile, . . .

237 Bjale, le a bona, se se diregilego, ba ile go Bantle. Le a bona? Gomme dikgogakogano di be di kगतlampana, gobane ba be ba le Bajuda. Le a bona?

Gomme ka morago ga ge ba homotše, Jakobo a araba, a re, Banna le baena, ekwang nna:

Simeone (yoo ke Simone Petro) o begile ka fao Modimo la mathomo a etetšego Bantle, go tšea go tšwa go bona batho bakeng sa leina la gagwe.

238 Huh! Le a bona, leina la mosadimogatša wa ka e be e le Broy. Ge ke mo tšere, o bile Branham. Le a bona?

239 Jesu o ntšha Kereke ya Gagwe, goba Monyalwa wa Gagwe, go tšwa go Bantle. Ke Lengwalo, le kaile, feela boka Josefa a bile.

240 Bjale hlokomelang se, bjale, disoulo tše ka tlase ga aletara. Gabotse, mo . . . se, “Disoulo tše,” kwešišo bjale, “tše o di lego ka tlase ga aletara,” gobaneng ba dirilwe mohwelatumelo ke banna

ba sebe boka Eichmann. Le a bona? Ba swareletše thwi go ya pele, dimilione tša bona, le a bona, eupša ba dula e le Bajuda.

²⁴¹ Bjale, elelwang. E be e le eng? “Ba be ba bolailwe bakeng sa Lentšu la Modimo,” e sego bakeng sa bopaki bja Kriste. A le kwešišitše seo?

²⁴² Eupša, elelwang, Kereke e tlile ka gare, le yona, bahwelatumelo ba Kereke, e be e le bakeng sa Lentšu la Modimo le bopaki bja Jesu Kriste. Ke ba bakae ba tsebago seo, fa go . . . ? [Phuthego e re, “Amene.”—Mor.] Ya. Go lokile.

²⁴³ Bjale, eupša ba ga se ba be le bopaki bja Jesu Kriste.

. . . *bakeng sa Lentšu la Modimo, le bakeng sa bopaki bjo ba bo swerego:*

²⁴⁴ Bajuda! Gomme Hitler o ba hloile, Eichmann o dirile bjalo, Stalin o dirile bjalo, bohle ka moka ba lefase. Le a bona? Eupša ba dutše go rereša go se ba se dumetšego. Gomme ba ba bolaile gobane ba be ba le Bajuda.

²⁴⁵ A le be le tseba gore Martin Luther o bile mohuta wa go ba le kgopolo yeo ya go swana, le yena? Ke therešo. O rile, “Bajuda bohle ba swanetše go tšeelwa ntle. Ke bona molwalekriste.” Le a bona? Eupša o be a no ba ka tlase ga lebaka le lengwe, gomme a se e bone, a se bone Lentšu.

²⁴⁶ Bjale Lentšu, Therešo, le tla pele. O ya go tsoge wa fofatša Israele bjang? O ka se kgone go e dira. Aowa.

²⁴⁷ Oo, moprofeta yola o be a ka ema fale bjang, letšatšing lela, gomme a re, “O bogega boka nare, Israele?” Ge ba be ba leka go mo laetša dikarolo tše mpempe tša yona! O rile, “Gobaneng,” o rile, “mang kapa mang a go šegofatšago o tla šegofatšwa, gomme mang kapa mang a go rogakago o tla rogakwa.” Yeo ke nnete. Oo, motho! O ya go e dira bjang?

²⁴⁸ Nako ye nngwe ba naganne Modimo o tla lebala, ge moprofeta a bone selo sela se seso se tlela Bajuda. Monna yola a emego fale, gomme Lentšu la Modimo le mo tšholletše. O rile, “O Morena, a O ya go tlogela batho ba Gago?”

O rile, “Ke eng yela e robetšego fao kgauswi le wena?”

O re, “Lepara la go ela.”

²⁴⁹ O rile, “Ke bogodimo gakaakang go ya Legodimong? Bo ele.” Uh-huh. “Lewatle le tebile gakaakang?”

O rile, “Nka se kgone go e dira.”

²⁵⁰ O rile, “Ešita le Nna ga ke kgone, ešita le Nna nka se tsoge ka lebala Israele.” Aowa, mohlomphegi. Ga A ye go mo lebala.

²⁵¹ O ile a swanela go fofatša ngwana wa Gagwe Mong. Bjale, naganang ka seo. Fofatša ngwana wa Gagwe Mong, go re fa sebaka, gomme re a Se gana. Bjale, a seo ga se go dire o ikwele e ka ba gannyane kudu gore o ka kgona go abulela ka tlase ga kota ya khonkhoriti ka kefa ya kalone tše lesome, gomme wa se

tsoge wa e kgwatha? Seo ke se sennyane gabotse, le a tseba. Oo, nna! Ee.

252 “Ba swareletše Lentšu la Modimo.” Ba be ba le Bajuda. Ba bile le melao ya bona; ba dutše le yona. Le elelwa bošego bja go feta, bjale? Le a bona? Ba dutše le leo. Gomme ba be ba le Bajuda, gomme ba bile le molao. Gomme molao e be e le Lentšu la Modimo, gomme ba dutše thwi kgauswi le wona. Yeo ke nnete. “Gomme bakeng sa bopaki ba bo swerego, ba dirilwe mohwelatumelo.” Gomme fa go be go le disoulo ka tlase ga aletara, ka morago ga ge Kereke e šetše e ile.

253 Bjale šetšang. Ba ile, ka bofofung bja bona, ba bolaile Mesia wa bona, gomme bjale ba be ba buna bakeng sa yona. Ba e lemogile. Ba e lemogile, morago ga ge e be e ile. Ba Mmone nako yeo, ge ba etla pele ga aletara ya Modimo. Eupša bjale mogau wa Modimo ke go bona.

254 Šetšang. Bjale, ba be ba ka se kgone, ka mokgwa ofe, go ba bakgethwa, gobane ba be ba šetše ba apešitšwe. Eupša šeba bjale, feela “disoulo ka tlase ga aletara, bakeng sa Lentšu la Modimo, le bopaki ba bo swerego,” go beng batho ba Modimo, Bajuda.

255 Eupša bjale, šetšang, mogau wa Modimo o tla go bona. Gomme Jesu o a ba fa, yo mongwe le yo mongwe, kobo ye tšhweu, (oo, nna, šetšang; godimo, ka morago ga ge Kereke e ile), gobane ba be ba botegetše taba ya bona. Gomme ba fougaditšwe, gomme ga se ba e tseba. Ga se ba e tseba. Ba be ba raloka karolo thwi yeo Modimo a bego a ba beetše go e raloka. Gomme fa, fa, Johane o lebelela godimo gomme o bona disoulo ka tlase ga aletara. Bjale šetšang, o bona disoulo tšela. Šetšang se a di bitšago.

Ba a lla, “Morena, botelele gakaakang?”

Šetšang, “Feela nakwana ye nnyane boteletšana.” Le a bona?

256 A re hwetšeng yeo, ge re eya tlase, thwi go kgabola Lengwalo bjale. Ba a lemoga ba bolaile Mesia wa bona. Le a bona? Gomme ga se ba e tseba, eupša nako yeo ba lemogile. Ba bile—ba bolailwe, morago, go lefa bakeng sa yona: go direng diphošo ga bona. Gomme bjale lebelelang selo se ba bego ba swanetše go se dira! Le a bona, ba be ba na le molato wa polao, ka fao ba a bolawa. Le a bona? Ba goeditše ntle, “Madi a Gagwe a be godimo ga rena!” Le a bona? Yeo ke nnete. Gomme ba fougaditšwe.

257 Bjale, ge nkabe ba se ba fougatšwa; Modimo o rile, “Ba tlogeleng ba nnoši. Ga ba ne maswanedi.” Eupša go beng gore ba fougaditšwe ke Modimo, mogau wa Gagwe o obeleditše fase go bona. Amene! Boelang ka mogau wa go makatša! Le go fa yo mongwe le yo mongwe wa bona kobo, gobane Israele yohle e tla phološwa, yo mongwe le yo mongwe o ne leina la gagwe le ngwadilwe. Yeo ke nnete. Jesu o ba fa dikobo.

258 Boka Josefa a dirile go baena ba gagwe; sekai. Lebelelang, ge Josefa a eme fale, le ge mafelelong a . . . O itirile ka boyena go tsebja kua aletareng, aletara ya gagwe mong, ka paleising ya gagwe, terone ya gagwe. O rile, “Yo mongwe le yo mongwe ntlogeleng.” Mosadi wa gagwe o be a le godimo ka paleising; moo Monyalwa a tla bago gona.

259 Gomme o rile go bona, o rile, “A ga le ntsebe?” Hei, o bolela Sehebere bjale. “Ke nna ngwanabolena, Josefa.” Oo, nna!

Ba rile, “Bjale, oo, o ya go re hwetša.”

260 O rile, “Emang motsotso. Emang motsotso. Modimo o dirile seo ka morero. Le ile la swanela go ntahlela ntle, gore go phološwe bophelo.” Letago! Ke lena bao, tlwa. O rile, “Le se ke, le se ipefelele lenabeng.” Le elelwa Josefa o boletše seo? O rile, “Le se ipefelele lenabeng. Se sengwe le se sengwe se lokile bjale. Go fedile. Modimo o nthometše fa, pele ga lena.”

261 Le a tseba, Beibele e rile ba tla re go Yena, ge ba Mmona a etla, o rile, “E re, Wena o Mesia, re a tseba. Eupša, eupša, go reng ka wona mabadi?” Le a bona?

262 O rile, “Oo, Ke a hweditše ka ntlong ya bagwera ba Ka.” Bagwera?

263 Gomme ka gona ge ba e lemoga, bona bao ba šetšego, dikete tše lekgolo masomenne nne, Beibele e boletše gore ba tla arogana, ntlo e tee go tloga go ye nngwe. Gomme go tšea matšatši, feela go lla, le go golola, le go sepelela godimo le fase lebatong; re re, “Re e dirile bjang? Re e dirile bjang? Gobaneng, re bapotše Mesia wa rena beng.” O rile, go lla boka lapa bakeng sa morwa motswalwanoši wa lona, “Re e dirile bjang?”

264 Bona Bajuda, ke—ke batho ba bodumedi kudukudu ka lefaseng; bakgethiwa ba Modimo. Eupša O ba fufaditše, go re tšea, gomme re a E gana. Kahlolo ya kereke ya Bantle ke eng! Ke lena bao. Le a bona? Fufaditšwe ka morero, ke Modimo, gore A kgone go re hwetša, Monyalwa bakeng sa Jesu. Ba ntšetše ka ntle ga . . . Le a bona? Gomme o e swantšhitšepele, le se sengwe le se sengwe.

265 Bjale le bona disoulo ke bomang? Ga se bahwelatumelo ba bakgethwa. Bona šetše ba ile. Yeo ke nnete. Hlokomelang, ba be ba le, ba be ba šetše ba ile. Le a bona?

266 Kafao, ba ba filwe dikobo, yo mongwe le yo mongwe wa bona. Gomme bjale ke nyaka le hlokomele. Eupša bjale mogau wa Modimo o a ba inamela. Jesu o ba fa kobo yo mongwe le yo mongwe ye tšhweu, boka Josefa a dirile, mogau wa gagwe go baena ba gagwe.

267 Bjale šetšang. Le ge ba lekile go fediša Josefa, gape, eupša mogau wa gagwe o fihlile thwi tlase go bona. Le a bona? “Oo, go lokile. Go lokile. Ga se le re go dira seo. Eupša, le a bona, yola e be e le Modimo a dira seo. Le a bona? Modimo o le dumeletše bohle

go dira seo gore A kgone go nntšha, le go ntlšetša fase fa gore ke kgone go phološa maphelo bakeng sa batho, Bantle ba mo, moo ke hweditšego mosadimogatša wa ka go tšwa gona. Nkabe ke se ne mosadimogatša ge—ge nkabe ke dutše morago kua. Bjale, ke rata mosadimogatša wa ka. O mphile bana ba fa.” Gomme o rile, “Ke—ke. . . Gomme bjale—bjale ke ya go le hwetša bohle. Bjale bohle le ya go e hwetša gabotse, le lena. Ke ya go le tliša tlase fa. Bohle re ya go phela mmogo, bjalo ka lapa le tee le legolo.” Le a bona? Le a bona? Le a bona? O rile, “Selo se tee ke nyakago go le botšiša. A tate wa ka wa motšofe o sa phela?” Oo!

268 Gomme mo šetšeng, se a se dirilego go Benyamini yo monnyane, e lego setkai sa dikete tše lekgolo masomenne nne, bjalo ka ge re tla ba thari. Le bona se a se dirilego? O nno kitimela thwi ka pela go Benyamini, a wela molaleng wa gagwe gomme a thoma go mo gokara. Ngwanabo yo monnyane yoo a tswaletšwego ka lapeng morago ga ge a sepetše, le a bona; ka mmagwe, kereke ya mathomo, kereke ya Orthodox. Ba dikete tše lekgolo le masomenne nne ba tswetšwe go se beng gona ga Gagwe, ge A be a le kgole go hwetša Monyalwa wa Gagwe wa Montle. Oo, nna! A seo a se le dire se sengwe! Šeo yona. Kafao le a bona ke bomang? Bona šebao.

269 Hlokomelang bjale, le ge ba lekile go fediša Josefa, mogau wa gagwe o ba fihleletše.

270 Le ge ba lekile go fediša Jesu, Yena o sa tla thwi morago tikologong, gobane ba be ba foufetše, le go ba fa, yo mongwe le yo mongwe, kobo ye tšhweu. O ya go ba tšeela thwi pele ka gare, gae, go le bjalo. Ga go dire nthatana ya phapano, gobane šetše A rile, “Ke tla ba phološa bohle, golebja.” Le a bona?

Bjale temana ya 10. Hlokomelang, ba kgopetše “tefetšo.” Le a bona?

271 Bjale, ge yola a ka be a bile Monyalwa, go ka be go bile boka Stefano: “Tate, ba lebelele,” le a tseba. Le a bona?

272 Eupša ba ke Bajuda bao ba sa tšogo tsena, le a bona. Ba kgopetše tefetšo. Hlokomelang gape, le a bona, gape O rile. . . Hlokomelang, ga se. . . O rile, “Ke baena ba lena,” Bajuda. Ba lekgolo. . . Bjale ba nyakile tefetšo. Ba rile, “Oo, re ya go. . . Rena, re nyaka O re lefeletše tlase fale.”

273 O rile, “Feela nakwana ye nnyane, bjale, feela sebakanyana se sennyane.” Ka gore, hlokomelang, a nke ke e bale fa. E ka go te—te temana ya 10. Go lokile.

Gomme ba goeditše ka segalontšu se segolo, ba re, Botelele gakaakang, O Morena, yo mokgethwa le go rereša, o sa ahlole le go lefeletša madi a rena go bona bao ba agilego lefaseng?

Gomme dikobo tše tšhweu di filwe go yo mongwe le yo mongwe wa bona; gomme go rilwe go bona, gore ba

khutše feela . . . sehla se sennyane, le a bona, (eng?) sehla se sennyane, go fihlela bahlankammogo ba bona . . .

274 Le a bona? Bjale ke eng? Baprofeta bjale ba rerela Israele. Le a bona?

. . . go fihlela bahlankammogo ba lena le bona . . . bahlankammogo ba lena le bona baena ba lena, gore ba bolawe . . .

275 Le a bona, bao ba kgethetšwegopele go dirwa bjalo. Le a bona?

. . . ba bolawe boka ba bile, go swanetše go phethagatšwe.

276 Le a bona, ka mantšu a mangwe, e kgethetšwepele go bona. Ke Mangwalo, gore ba swanetše go e dira. “Gomme nnong go khutša lebakana le lennyane. Bjale le na le dikobo tša lena; le ya gae; gomme go no dula fale lebakana le lennyane, le a bona, go leta feela nthatana gannyane.”

277 Bjale hlokomelang. Bjale hlokomelang, “Baena ba lena.” “Baena ba lena ba swanetše go bolawa,” go rago dikete tše lekgolo masomenne nne efela go bitšwa ka Tlaišegong. Gomme dikete tše lekgolo masomenne nne tšeo di biditšwego.

278 Ke duma ge nkabe re na le nako. Re ka no e hwetša gosasa bošego, ge Morena a rata, re . . . feela pele re tsena ka gare go Lehuto le lengwe. Le a bona?

279 Gape, bjale šetšang, ba swanetše go dirwa mohwelatumelo ke molwalekriste. Re nno tla go kgabola; gomme hlokomelang, ka go mokatišo wa gagwe wa mafelelo, moo a robago—a robago kgwerano yela le bona Bajuda tlase fale. Gomme šole o a ya. Le a bona?

280 Bajuda ba, dikete tše lekgolo masomenne nne, ke go biletšwa ntle ke dihlatse tše pedi tša Kutollo 11. Bjale, le a elelwa, ba be ba swanetše go profeta.

281 Le badile seo. Ke ba bakae ba badilego seo? [Phuthego e re, “Amené.”—Mor.] Kgontho, bohle re tlwaelane, go bala Lengwalo.

282 Gomme ba a profeta, dihlatse tše pedi tše di a profeta, mo nakong ya seripa sa bobedi sa beke tše masomešupa tša Daniele. Yeo ke mengwaga ye meraro le seripa se tee sa mengwaga.

283 Le elelwa ka fao re tšerego beke tše masomešupa tša Daniele? Ke rile re tla e hloka ge re etla ka fa. Ke be ke sa tsebe gobaneng, eupša ke no . . . Sengwe se mpoditše re tla e hloka, gomme ke rena ba. Ya. Le a bona?

284 Hlokomelang, mo nakong ya Daniele. Bjale elelwang, Daniele o boditšwe gore, “Mesia o tla tla,” mokgoma, “Mesia,” a ke re, “gomme O tla profeta. Israele e sa ne dibeke tše masomešupa di šetšego. Gomme bogareng bja dibeke tše masomešupa, Mesia o tla ripša, gomme sehlabelo sa tšatši ka

tšatši sa tlošwa.” A yeo ke nnete? “Eupša go be go sa ne tše tharo le seripa, dibeke di beetšwe.”

285 Ka polokong ye, O tšea Monyalwa wa Montle, bjale, O ya godimo, gomme ge A eya godimo, baprofeta ba babedi ba tsogela go Israele. Le a bona?

286 Gomme disoulo tšela tšeo di hwetšegotumelo, bjale, tlase go kgabola fale, ba kgonthe, Bajuda ba therešo tlase go kgabola fale; bao ba bilego le leina la bona mo Pukung, bao ba phetšego bophelo bja maleba gomme ba dirile selo sa maleba, ba phetše Sejuda go fihla modung. Bona, ba dirilwe mohwelatumelo ke Eichmann le ba bangwe ba bantši. Batho ba go botega, dimilione tša bona tlase fale! Gomme bona Majeremane ba ba thuntše go hwa, gomme ba ba bolaile, le go ba bolaya, gomme ba ba kadieditše magoreng, gomme ba ba tšhumile, le go ba fišalore, le se sengwe le se sengwe gape. Sehlokamadi sela, goba pelomadi, Hitler wa go swarwa ke tlala, le Stalin, le Mussolini, le bona bohle batho bao ba hloilego bona Bajuda!

287 Ke nagana seo ke se sengwe sa—sa dilo tšeo di swerego setšhaba se mmogo, ka gobane ka mehla ba hlomphile Mojuda, yeo ke nnete, ba mo file lefelo. Wena hlompha Mojuda, gomme Modimo o tla go hlompha.

288 Bjale, go na le sehlopha sa Bajuda bao e lego magwaragwara, feela boka go na le Bantle ka tsela ya go swana.

289 Eupša Mojuda wa kgonthe, Modimo o beile leina la gagwe godimo ga Puku pele ga motheo wa lefase. Gomme yena šo, a bolailwe tlase mo nakong ye. Gomme elelwang, naganang ka yona bjale, ka fao se se phethagetšego. Thwi ka morago ga bona dimilione tša Bajuda ba go gagarwa, batho ba go hloka molato, ke ditšhaba tša lefase; fa Lengwalo le re, thwi ka go nako ye, gore bona yo mongwe le yo mongwe ka tlase ga aletara, ba lemoga se se diregilego, gomme ba filwe dikobo tše ditšhweu.

290 Gomme ba rile, “Gabotse, gobaneng? A re ka kgona go ya morago mmušong gonabjale?” Mmušo wa Bajuda o ya go hlongwa mo lefaseng, le a tseba. Johane o rile mmušo o be o le gona, le a bona, go hlongwa.

Bjale, wo ke Mmušo wa Ebangedi, le a bona.

291 Eupša mmušo wa Bajuda o tla rerwa ke ba—ba baprofeta ba babedi, kafao hlokomelang mmu—mmu—mmu mmušo wa lefase fa.

292 “Mmušo wa Legodimo o a rerwa,” . . . ke Bajuda, goba go . . . ke ra, “go Montle.”

293 Mmušo wa fa mo lefaseng, o ya go hlongwa ka go Mileniamo, ka morago, Mileniamo go Bajuda.

294 Bjale hlokomelang. Hlokomelang se bjale, fa, ge ba—ge ba sa rera, le a bona.

²⁹⁵ Pele ga ge baprofeta ba—ba ba ka tsoge ba tsoga go lefelotiragalo; Bajuda ba bao ba ilego ba swanela go hwa ka tlase ga Eichmann le bona ke, yo mongwe le yo mongwe wa bona yoo a kgethetšwegopele, o filwe (ka mogau) kobo ye tšhweu. Yo mongwe le yo mongwe wa bona o filwe kobo ye tšhweu. Hlokomelang.

Bjale go direga eng? Ka pela ge seo se direga . . .

²⁹⁶ Ke šeditše sešupanako sela morago kua, gomme ke a tseba re—re ba thari. Eupša ga ke nyake go . . . Le a bona, ke—ke . . . Bona . . . go lemogeng bona baisa ba go šokiša ba eme fale. Modimo a le thuše baena. Ke a holofela yo mongwe le yo mongwe wa lena o filwe kobo ye tšhweu letšatši lela, le a bona. A eme, a fetogela morago le pele, ka maoto a bohloko. Gomme ba bangwe ba lena le šomile letšatši lohle. Ke tseba se leo le lego sona. Gomme lebelelang fa . . . Gomme ba bangwe ba bakgekolo ba bannyane ba go šokiša ba eme. Ke lemoga ba bangwe ba banna ba ba fa basadi madulo a bona; gomme yo mongwe gape o a fa, mme tsoko wa go šokiša yo monnyane le lese. Gomme ke—ke—ke—ke bona tšohle tšela, le a bona, gomme ke a kgolwa O a dira. Hlokomelang. Eupša ga ke nyake go le swarelela botelele kudu. Ge nka no kgona go le dira gore le bone Molaetša, seo ke sohle ke nyakogo le se dira, le a bona.

²⁹⁷ Bjale hlokomelang Bajuda ba. Ke swanetše go dira se, gore ke le dire le bone kutollo ya Lehuto le; le bona se le lego, disoulo tše ka tlase ga aletara, le ke bomang. Bjale hlokomelang.

²⁹⁸ Mo nakong ya Daniele, bjale, karolo ya bobedi va beke ya bomasomešupa. Bjale elelwang, “Mesia o be a swanetše go ripša mo bogareng.” Bjo ke bogare. Gabotse, seripa sa šupa ke eng? [Phuthego e re, “Tharo le seripa.”—Mor.] Tharo le seripa. Kriste o rerile botelele bjo bokae? [“Tharo le seripa.”] Yeo ke nnete. Bjale, “Eupša go sa beetšwe, go batho,” (eng?) “mengwaga ye mengwe ye meraro le seripa.”

²⁹⁹ Gabotse, lebakeng la nako ye, gobaneng, le a bona, go direga eng, ke, Monyalwa wa Montle o hlaotšwe ka go mabaka a šupago a kereke, gomme o a rotoga.

³⁰⁰ Gomme ge go dira ka tsela yela, Bajuda bohle bao ba hwetšegotumelo go bapa fale ka baka la bofoku, ba letšego ka tlase ga aletara, Modimo o tla godimo gomme o re, “Le bona se e bego e le sona? Bjale Ke fa yo mongwe le yo mongwe wa lena kobo.”

Ba rile, “Botelele gakaakang, Morena? A re ya ka gare bjale?”

³⁰¹ O rile, “Aowa, aowa, aowa, aowa. Monna wa geno, Bajuda, o swanetše go tlaišega gannyane nthatana, golebjalo. Ba swanetše go dirwa mohwelatumelo boka le dirilwe mohwelatumelo. Sebata se swanetše go ba hwetša ge a roba kgwerano ya gagwe.”

302 Bjale hlokomelang. Gomme bjale hlokomelang, gatee... Bjale e nong go elelwa, baprofeta ba ke ba go profeta go ya ka Kutollo 11. Lena, le phagamišitše diatla tša lena, le swanetše go e bala. Le a bona? Gomme ba filwe maatla.

303 Gomme re ya go hwetša ke bomang, feela mo motsotsong, Morena ge a rata. Bjale hlokomelang baprofeta ba ke bomang. Gomme bjale Beibele e a e bolela fa. Kgongthe, O a dira. Kgongthe! Le a bona?

304 Bjale, hlokomelang, mo bogareng bja ye, dibeke tše tharo le seripa bjale, gore ba profeta tlase fa gomme ku—ku Kutollo fa e rile... Gomme ba—ba profetile matsatši a sekete makgolotharo le masometshela. Ge...

305 Bjale, tšhupamabaka ya mehleng ya Sejuda, nako ya setlwaedi ya tšhupamabaka ya Modimo, ke matsatši a masometharo kgweding. Tšhupamabaka ya Seroma, ke se e e hlakahlakantšego. Tšhupamabaka ya tlwaelo ke matsatši a masometharo kgweding.

306 Bjale, ge le nyaka go tšea matsatši a masometharo, gomme la hlakanya mengwaga ye meraro le seripa sa yona, gomme la bona matsatši a masometharo, gomme, gabotse, le hwetša eng? Sekete makgolotharo le... goba matsatši a makgolopedi le masometshela. "Matsatši a sekete makgolopedi le masome tshela (matsatši a masometshela)," tlwa mengwaga ye meraro le seripa.

307 Bjale, le a bona, ga go phošo go yeo. Yona šeo, e no lekanela mmogo boka mo—mo momenagano o etla mmogo. Hlokomelang, bona baprofeta ba babedi ba rerile lebaka la mengwaga ye meraro le seripa, go Bajuda. Ka go yeo, e bileditše ntle, dikete tše lekgolo le masomenne nne.

308 Gomme ka gona, hlokomelang, baprofeta ba babedi ba ke Moshe le Eliya tlwa. Le a bona? Le a bona? Bjale lebelelang, lebelelang, bja bona... Lebelelang bodiredi bja bona. Bjale šetšang se baprofeta ba ba se dirago. "Ba ne maatla go otlala lefase ka kotlo, gantši bjalo ka ge ba rata." Ke mang a e dirilego? Moshe. "Ba na le maatla a go tswalela magodimo, gomme e ka se ne ka letšatšing la bodiredi bja bona." Ke mang a tswaletšego magodimo lebaka la mengwaga ye meraro le seripa? [Phuthego e re, "Eliya."—Mor.] Bona šebao. Bao ke bona. Le a bona, yona ke...

309 Le a bona, motho, ge a ehwa, ga a fetole maemo a gagwe. Yena ga a fetole modirelo wa gagwe, le a bona. Lebelelang, ge—ge, pele...

310 Ge Saulo a kgelogile, gomme go be go se ne baprofeta ka nageng, ga se a kwešiša a dire eng—a dire eng. O be a le godimo kgahlanong le yona. O be a eya ntweng. O ile go senoge sa Endora.

311 Bjale, feela madi a dipoo le dipudi, o kgonne go dira se. Gomme o bileditše moya wa Samuelele godimo.

312 Gomme ge Samuele a etla godimo, fao o eme, ka go kobo ya gagwe ya moprofeta. E sego feela seo, eupša o be a sa le moprofeta. O rile, “Gobaneng o mpiditše go tšwa khutšong ya ka,” le a bona, o rile, “go boneng o fetogile lenaba go Modimo?” O rile, “Ka nako ye, gosasa bošego, o ya go wa ntweng. Gomme nako ye, gosasa bošego, o tla ba le nna.” Gomme seo ke tšwa se se diregilego. Le a bona? E sego feela. . . O be a sa le moprofeta. Le a bona?

313 Gomme baisa ba ba sa le baprofeta. Bjale re ya go fihla botebong gannyane ka go seo, feela mo metsotsong e se mekae, Morena ge a rata. Le a bona?

314 Oo, nna, ke rata Lentšu lela bjang! Ga go makatše, “Motho a ka se phele ka borotho feela. Lentšu le lengwe le le lengwe le tšwago molomong wa Modimo!”

315 Baprofeta ba babedi ba ke Moshe le Eliya, go ya ka mediro ya bona e ekišwa gape. Gore, bjoo ka mehla e bile bodiredi bja bona. Bjale hlokomelang, feela bjalo ka ge ba dirile. Seo ga se sa ba fetola. Elelwang, mathaka a ga se nke a hwa. Šetšang feela. . .

316 Bjale, le se hlakahlakanye, pele re tloga go ye. Le se hlakahlakanye bodiredi bja lekga la bohloano bja Eliya le bodiredi bja gagwe bja lekga la bone. Ke be ke le botša, Kereke ya Bantle e lebeletše Eliya. Nnete.

317 Gomme šo yena godimo fa le Mojuda. Elelwang, a ka se kgone go tla nne; yeo ke—yeo ke nomoro ya lenaba. O swanetše go ba tlhano.

318 Lekga la motho a etla, o be a le Eliya, yenamong. Lekga la go latela a etla, o be a le Elisa. Lekga la go latela a etla, o be a le (eng?) Johane Mokolobetši. Lekga la go latela a etla, ke bakeng sa morongwa wa bošupa. Gomme lekga la bohloano o a tla, o ne Moshe godimo mošola, a ba rerela. Kgontho. Ee, mohlomphegi. Le se mo gakantšhe. Uh-huh.

319 Tlhano, ge eba le tseba dipalo tša lena—tša lena tša Beibele, tlhano ke palo ya mogau wa go katana. Gomme seo ke se A se dirilego. Bjale, šetšang, le nyaka go tseba moo e lego. A Jesu o be a le katano ya mogau? J-e-s-u, [Ka Seisimane: J-e-s-u-s—Mohl.], tlhano, k-a-t-a-n-o [l-a-b-o-r]. A yeo ke nnete? Katano, bakeng sa—bakeng sa lerato go lena. Gomme ge o etla go Yena, o tla bjang, ka eng? T-u-m-e-l-o [Ka Seisimane: F-a-i-t-h—Mohl.] ka go k-a-t-a-n-o [l-a-b-o-r]. A yeo ke nnete? Katano ke nomoro ya mogau, go lokile, go badumedi.

320 Hlokomelang, lekga la mathomo Eliya, yola e be e le yena. La bobedi e be e le Elisa. La boraro e be e le Johane. La bone e be e le morongwa wa bošupa, goba motseta wa mafelelo go Kereke, go ya ka Maleaki 4 le Kutollo 10:7. Bjale, lekga la bohloano, ke

motseta go Bajuda, go ba dikete tše lekgolo le masomenne nne, go Bajuda, morago ga ge Kereke e sepetše.

³²¹ Ke—ke—ke no ikwela go se tlwaelege gannyane, le a bona. Le a bona? Lebelelang, ge eba ba bangwe ba nagana . . . Ke nyaka le hwetše se bjale, le a bona. Ge ba bangwe ba sa nagana gore Maleaki 4, “go bušetša” batho, ke selo sa go swana a yago go se dira tlase fale go Bajuda, le go nagana yohle e a swana, a nke ke no le otlollela seo, feela motsotso. Le a bona, go tla gakantšha gannyane nthatana. Ka gore, le a elelwa, ka go Maleaki 4, e re, “Boelang Tumelong ya botate . . . goba bana morago go tate.” Le a bona, morago go tate!

³²² Bjale a nke ke le bontšhe phapano ya bodiredi. Ge a etla go bušetša Tumelo ya bana morago go botate, o tla gana Kriste. O tla ya morago go molao. A ke nnete? Botate ba bolokile molao. Le a e hwetša?

³²³ Hlokomelang, ge Elisa, ge a etla go phethagatša bodiredi bja gagwe ka go Maleaki 4, le a bona, bjalo ka Maleaki 4, Eliya o be a le a nnoši.

³²⁴ Eupša ge a etla go direla go Bajuda, ba Kutollo 11, o na le Moshe le yena. Kafao, ga go ne tlhakatlhakano, le nthatana. Le a bona? Le a e hwetša?

³²⁵ Ge Elisa a etla, wa Maleaki 4, ke yena ka boyenamong. Eliya o tla kitima; e sego Eliya le Moshe. “Eliya” o tla tsoga. Eupša tšhušumetšo ya go swana, yeo, e rilego Eliya o tla tlela karolo ya mafelelo ya lebaka la kereke, “go bušetša Tumelo ya bana morago go Tumelo ya setlogo ya botate,” Tumelo ya boapostola, ye o swanetšego go ya morago. Gomme molwalekriste o bile le bona bohle ba gogetšwe ntle. “Go bušetša morago,” boka ohle ka moka Mangwalo a tsenelane mmogo. Le a bona, o tla a nnoši. Le a bona?

³²⁶ Eupša ge a etla go Kereke, Beibele . . . goba a etla go ba dikete tše lekgolo le masomenne nne, Beibele e bolela pepeneneng gore bobedi o . . . Go ne ba babedi ba bona, ga go yo motee wa bona. Ba babedi ba bona! Gomme bodiredi bja gagwe bja mathomo ga se bo kgone go tšea Bajuda le go ba bea morago go molao, o ba yena . . . gobane o a tla, a rera Kriste go ba dikete tše lekgolo le masomenne nne, amene, “Yena šole, Mesia yola yoo a ripilwego.” Amene! Yeo ke yona, kafao le se be le yona a hlakahlakantšwe. Ga se tlhakatlhakano. Lengwalo ga le aketše, le nthatana.

³²⁷ Letago! Oo, ge ke bone seo, ke be ke tabogela godimo! Ke rile, “Ke a Go leboga, Morena,” ge ke be ke e bogetše e direga fale. Ke bone gore Eliya o sepelela ntle kua go lebaka lela la mathomo, ka boyenamong, gomme o be a le ka boyenamong. Ka gona ge ke mmone a etla gape, kgolekgole go ya felotsoko gape, fao go be go le ba babedi ba bona kua ge seo se direga. Ke rile, “Yona šeo. Yeo, yeo e a dira, Morena. Amene! Ke a e bona bjale! Haleluya!” Seo ke tlwa.

328 Ge nkabe ke se ka e bolela, go be go tla ba tlhakatlhakano ye nnyane go yo mongwe. Eupša O—O mpoeditše go e bolela, kafafo ke dirile.

329 Hlokomelang, banna ba ba tšwetšepole go phela ka Modimo, go tloga go bodiredi bja bona bja setlogo, bakeng sa tirelo ya ka moso; ba e diretše gabotse kudu. Le a bona? Nno naganang, moya wola wa Eliya o direla makga a mahlano; Moshe, ba babedi. Eng? Go boloka o phela bakeng sa kgojana, tirelo ya pejana.

330 Ba be ešita le o tee wa bona a se a hwa bjale; le se dumele seo. Bobedi ba be ba bonwe, ba phela, ba bolela le Jesu godimo ga Thaba ya Phetogelo. Eupša, elelwang, ba swanetše go hwa.

331 Bjale, bjale, Moshe gabotse o hwile. Eupša o tsogile, gobane o be a le sekai sa go phethagala sa Kriste. Le a bona? Ga go yo a kilego a tseba moo a boloketšwego. Barongwa ba tllile ba mo tšea. Le a bona? O bile le barwalalepokisi ba Barongwa. Uh-huh. Gobaneng? Ga go motho yo a hwago a ka mo rwalelago moo a bego a eya gona. O nno ya go kgabola tiro, yeo ke phetho. O bile le Barongwa, barwalalepokisi, le a bona, gobane Ba mo išitše moo a bego a swanetše go ba gona. Ga go yo a tsebago.

332 Ebile le go Sathane, ga se a tseba. O ngangišane le Morongwamogolo. Yeo ke nnete. O be a sa kgone go kwešiša se se diregilego go Moshe. “Ke mmone a thothomela godimo kua. Gomme go lebelela ntle godimo ga naga, le go lebelela morago go bana, le go ya pele, ke mmone a thothomela. Eupša o gatetše godimo ga Leswika, gomme leo e bile lekga la mafelelo ke mmone.”

333 Leo ke Leswika! Leo ke Leswika! A nke ke eme go Leswika lela, mo bofelong bja tsela ya ka! Ee, mohlomphegi! Bjale, ba . . . Baena ba ka ba makhalate ba be ba fela ba etla godimo fa le go opela pina ye nnyane, “Ge nka kgona, ka nnete ke tla ema godimo ga Leswika lela moo Moshe a emego.” Ee, mohlomphegi! Oo, leo ke Leswika le ke nyakago go ema godimo ga lona, le nna. Ka tumelo ke eme fao.

334 Eupša elelwang, Eliya, o ile a no lapa, gobane o be a ne mošomo wo montši pele ga gagwe. [Ngwanešu Branham o a khutša. Phuthego e a sega—Mor.] Kafafo o be gabotse a lapile, gomme Modimo o nno mo romela senamelwa Gae, yeo ke nnete, o rometše koloi ya dipere. A yeo ke nnete? O mo tšeeše godimo. Ga se nke a hwa, gobane O mmolokile a phela. O bile le mošomo wa ka moso bakeng sa gagwe. A nke a tlotše motho, le yena, le a bona, a tle pele ka Moya wa gagwe.

335 Eupša ba swanetše go latswa lehu. Bjale Kutollo, tema ya 11. Bjale, a re yeŋg, ke thwi fa go le bjalo. A re nong go e betha, Kutollo 11. Šetšang gomme le bone ge eba ga se ba bolawa bobedi. Ee, mohlomphegi. Bobedi ba swanetše go latswa lehu. Ee, mohlomphegi. Morago ga ge bodiredi bja bona bo fedile, ba latswa lehu. Kutollo 11, gomme a re thomeng ka 7.

Gomme ge ba . . . feditše bopaki bja bona, sebata se se rotogago go tšwa dikoting tša go hloka bofase . . . se dira ntwā kgahlanong le bona, . . .

336 Oo, nna, a ka se kgone go e kgotlelela; bona bapshikologibakgethwa ba morago gape, le a bona. Go lokile. Go lokile.

. . . go tšwa sekoting sa go hloka bofase . . . o dira ntwā kgahlanong le bona, gomme o tla ba fenya, le go ba bolaya.

337 Eupša šetšang se se diregago. Ba kailwe ka phethagalo bjale.

Gomme mebele ya bona ye e hwilego e tla robala mo mokgotheng—mo mokgotheng wa toropokgolo yela ye kgolo, . . . semoyeng . . . ye e bitšwago Sodoma le Egepeta, moo gape Morena wa rena a bapotswego, (Jerusalema, le a bona).

338 Bjale ba swanetše go latswa lehu, (a ga ba?) yeo ke nnete, morago ga ge bodiredi bja bona bo fedile.

339 Gobaneng? Bodiredi bja morongwa wa bošupa, bodiredi bja morongwa wa bošupa, bodiredi bja Eliya go morongwa wa bošupa, e sego . . . Gobaneng go sa be, gobaneng go sa kgonege, a ke re, ke leka go bolela, bodiredi bja morongwa wa bošupa gona bo sa be ka Moshe, ge a sa hwe, go swana, le ka mo go bego go kgona go ba ka Eliya? Gobaneng ba sa . . . Gobaneng Modimo a sa no romela, a re, “Eliya, o—o šetše o šomile boima kudu, Ke . . . le se sengwe le se sengwe, ohle a mafelo a go fapana. Ke—Ke a dumela Ke tla no romela Moshe tlase?” Gobaneng?

340 Lebelelang bodiredi bja Moshe. Eliya o be a le moprofeta go ditšhaba tšohle; eupša Moshe o be a le mofamolao go Bajuda feela. Amene. Moshe o fale go re . . . Lebaka a tlogo le Eliya . . . Bona Bajuda ba re, “Ema, re sa boloka molao fa.” Eupša mo go eme Moshe ka boyena; gomme mo go Eliya o eme le yena. Oo! Le a bona? Bajuda ba nnoši. Le a bona? Moshe o ile feela go Mojuda; moprofeta Eliya o be a le go ditšhaba tšohle. Eupša Moshe o bile moprofeta go Bajuda, le mofi wa molao. Le a bona? Woo e be e le molaetša wa gagwe, molao.

341 Eupša molaetša wa Eliya e be e le eng? Go basadi ba moriri wa go kotwa; dikerekemaina. Ee, mohlomphegi. Gomme ka kgonthe o di kgeitše diripa. Difahlego tša go pentwa; o ba boditše, “Le ya go fepša go dimpša.” Ka kgonthe o nno ba kgeretlanya.

342 Gomme ka gona ge Moya wa gagwe o etla godimo ga Johane, a gatela thwi ntle ga lešoka le go dira selo sa go swana. Nnete. O rile, “Le se nagane gore re ba ye goba yela. Modimo o kgona ka matlapa a go tsošetša Abraham bana.”

343 A sepelela godimo go Herodia, o rile, “Gomme o nyaka go mpotša gore o nyetše molamo wa gago mong . . .?” O rile, “Ga

go molaong go wena go e dira!” Oo, ngwanešu! Fše! Hmm! O mmoditše. Kgonthe.

³⁴⁴ Hlokomelang, disoulo tše ke go leta sehla se sennyane, bakeng sa lekgolo le masomenne nne...go dirwa mohwelatumelo. Oo, a seo ga se, ga se...? Seo se no bea Beibele mmogo.

³⁴⁵ Bjale nako ya ka e tlwa godimo, ge nka tšwa ka pela. Eupša ke na le feela dilo tše nnyane di se kae go bolela, ge le ka kgona go e kgotlelela. [Phuthego e re, “Eya pele!”—Mor.] Ke a tseba go a fiša. Gomme ke a fufulelwa.

³⁴⁶ Eupša, theetšang, ke no ba le se sengwe go le botša. Go no ba gabotse kudu, go no tuka thwi ka pelong ya ka. Ke a holofela ga se la e lebala, le a bona. A nke ke bolele se, ka bogoneng bja Gagwe. Ka mogau wa Gagwe, gape O ntirile ke bone batho ba ka, e sego telele go fetile, ka dikobo tše tšhweu. Le a e elelwa? Le a elelwa? Le elelwa kanegelo, e se kgale kudu? Monyalwa wa Montle, ba kua bjale. Bohle ba be ba le ka diaparo tše tšhweu.

³⁴⁷ Ke be ke phafogile. Ke be ke bile kopanong. E ka ba ngwaga go feta, bontši gannyane. Ke phafogile mosong wo mongwe, gomme ke tsogile. Gomme ke rile, “Moratiwa?” go mosadimogatša wa ka. Ga se a šišinyega. Digotlane e ka ba... Swanetše go tsoga le go ba iša sekolong, thwi godimo fa lefelong la kgale. Gabotse, ke—ke tsogile malaong, le a tseba, gomme ka itshama. Le tseba ka fao; go dula godimo le go no samiša hlogo ya gago morago kgahlanong le pote ya malao. Re na le wo mongwe wa mepete ya fešene ya kgale. Gomme kafao ke nno ikokotlela morago ka mokgwa woo.

³⁴⁸ Gomme ka gopola, “Šaatena, o šetše o le masometlhanu tharo. Ge eba o ya go direla Modimo e ka ba eng, bokaone o e dire, gobane o ya go tšofala kudu—kudu, morago ga nakwana.” Le a bona.

³⁴⁹ Gomme ka gopola, “O a tseba, seo ke therešo, bjale.” Ka gopola, “Šaatena, o a tseba, ga ke kgole kudu. Ke swanetše go ya gabotse ka pela.” Ke rile, “Woo ke—woo ke ngwaga bogolo go feta papa wa ka a phetšego.” Le a bona? Ke naganne, “Ke swanetše go tloga gabotse go se kgale. Ke e bone. Gomme, fa, ga se ke direle Modimo selo, golebjaalo.” Ke naganne, “Ka mehla ke nyakile go Mo direla se sengwe.” Ke naganne, “Ke swanetše go potlaka le go e dira, ge eba ke eya go e dira. Gomme ga ke tsebe ke ya go e dira bjang, ke sohle.”

³⁵⁰ Ke naganne, “Monna, ke a holofela ke phela go Mmona a etla. Ga ke nyake go ba sepoko, goba moya.”

³⁵¹ Le a bona, ka mehla ke be ke boifa moya. Gomme bjale, le a tseba, mohuta woo wa...Ka mehla ke naganne, boka ge nka kopana le Ngwanešu Neville gomme o tla ba leru le lennyane le lešweu le sepela go dikologa, le a tseba. Gomme ke tla re, “Halo, Ngwanešu Neville.” Gomme o be a tla re, “Halo, Ngwanešu

Branham,” ka sekwi se sengwe; ga se a ke a kgona go bolela. Eupša ke tla no tseba gore e be e le Ngwanešu Neville. Ya. Ke tla nyaka go šišinya seatla sa gagwe boka ka mehla ke dira. Gobane, seo ke sohle ke se tsebago, ke batho. Le a bona, ke nyaka go šikinya seatla sa gagwe, eupša ga a ne seatla. Se tlase fale ka lebitleng, se bodile. Le a bona?

352 Ke naganne, “Nna, ke a holofela ga ka swanela go ya go kgabola seo.” Bjale, ke be. . . Bjale ke ya go le botša therešo. Ke—ke be ke boifa go hwa; ke sa boife ke tla lahlega, eupša ga se ke nyake go ba moya. Ke nyaka go no dula ke le motho. Ke nyakile go letela Tlhatlogo, le a bona. Ke nno nyaka go dula ka tsela yela. Ga se ke nyake go ba moya, go gerema tikologong. Ke be ke robetše fale, ke nagana seo.

353 Gomme, gateete, go bile se sengwe se diregile. [Ngwanešu Branham o thwantšha monwana wa gagwe gatee—Mor.]

354 Bjale, le a tseba, gomme lena bohle le tlwaelane, ga dipono. Gomme ge eba ye e be e le pono, ga sa nke ka ba le ya go swana le yona, le a bona. Gomme ke bile le tšona ge e sa le ke be ke le mošemane yo monnyane nthatana.

355 Gomme, gateete, se sengwe se diregile. Gomme ke ikwetše nnamong ke tloga. Ke naganne, “Uh-oo.” Gomme ke—ke naganne, “Ke—ke šetše ke hwile, le a bona, gomme ke—ke ile pele.” Le a bona?

356 Gomme ke fihlile lefelong, gomme ka gopola, “Ke a dumela ke tla lebelela morago.” E be e no ba kgonthe, bagwera, bjalo ka ge ke eme thwi mo. Le a bona? Gomme ke retologile go dikologa, go lebelela morago. Gomme ke be ke le fale, ke letše mo malaong. Gomme ke be ke otlogile, ke letše ka lehlakoreng la mosadimogatša wa gagwe.

357 Ke naganne, “Gabotse, ka kgonagalo e be e le tlhaselo ya pelo.” Le a bona? Ke naganne, “Gabotse, le a bona, ke nno hwa semetseng,” ye e tla bago tsela ye kaone ya go sepela. Kafao, ke naganne, “Yeo ke tlhaselo ya pelo. Ga se ka swanela go tlaišega.” Ke lebeletše, gomme ke naganne, “Gabotse, bjale, seo se a tlabo. Fale ke letše, fale thwi; gomme šefa ke eme, fa.”

358 Kafao, ke retologile. Go lebelegile boka tšhemo ye kgolo kudu—boka ye kgolo kudu, boka, goba se sengwe, feela tšhemo ye kgolo ya go phatlalala ya bjangbolou. Gomme—gomme ke rile, “Gabotse, ke a makala se ke eng?”

359 Gomme, ka pelapela, ge ke lebeletše, mo go tla dikete atiša ka dikete tša basadi ba baswa, bohle ka dikobo tše tšhweu, moriri o lekeletše tlase go letheka la bona, ba sa rwala dieta, gomme ba be ba kitima go ntebanya. Ke naganne, “Bjale ke eng se?”

360 Ke retologile go dikologa, ke lebeletše morago *fale*, gomme ke be ke le fale; gomme ke lebeletše godimo ka tsela *ye*, šebale ba etla. Ke lomile monwana wa ka. “Ga—ga—ga—ga ka robala,

tlwa.” Eupša, ke kgonne go ikwela. Gomme ke rile, “Gabotse, gona, se sengwe fa, go se tlwaelege.”

³⁶¹ Gomme basadi ba bohle ba a tla, ba kitima. Gomme ga se nke ka bona basadi ba babotsana bjalo! Gomme bohle ba tlile, ba kitimela godimo go nna. Gomme ge ba kitimela go nna . . .

³⁶² Le tseba ka fao ke bilego, mohuta wa . . . Ba mpitša sehloyamosadi, eupša ga ke sona, le a bona. Eupša, ke—ke no nagana, mosadi wa go loka ke yo mongwe wa . . . ke lebje bohlokwa. Eupša, ke a nagana, yoo a sego ya loka, ke, boka Salomo a bolela, “meetse mading a gago.” Kafao ka kgonthe ga ke ne mošomo bakeng sa—bakeng sa mosadi wa tumompe goba tsebanyane.

³⁶³ Gomme kafao basadi ba bohle ba tlile. Ba thomile go fošetša letsogo la bona go ntikologa. Bjale, seo ga se tlwaelege. Le a tseba ke be nka se emele seo. Kafao, gomme ba be . . . Bjale, ke ya go swanela go bolela se ka tsela, gore, ke—ke nna lešaba la go hlakana. Eupša, ba be ba le, ba be ba le basadi. Ba be ba le mosadi. Gomme ba—ba nkgokaretše, yo mongwe le yo mongwe, gomme ba rile, “Ngwanešu wa rena—wa rena yo bohlokwa!” Gomme o tee o tla nkgokara, gomme morago yo mongwe o tla nkgokara.

³⁶⁴ Ke be ke eme fale, ke lebeletše. Ke naganne, “Gabotse, bjale, ke eng se?” Le a bona? Gomme ba be ba eme fale. Ke naganne, “Go diregile eng?” Ke lebeletše morago tlase. Ke be ke le fale, ke letše thwi tlase *fale*; gomme šefa ke be ke le, ke eme *fa*. Ke naganne, “Bjale, seo se arogile. Ga ke—ke e kwešiše.”

³⁶⁵ Gomme bona basadi ba goeletša, “Oo, ngwanešu wa rena wa yo bohlokwa,” le go nkgokarela. Bjale, ba be ba le ka nthatana ye nngwe le ye nngwe, ka sekwi, basadi.

³⁶⁶ Bjale ntshwareleng, dikgaetšedi, bjalo ka ge ke bolela se, gobane . . . Eupša theetša ngaka ya gago; gomme ge re se ne menagano ye e hlwekilego, gona ga re Bakriste. Ga ke kgathale . . .

³⁶⁷ Ka mehla ke be ke phela go hlweka. Modimo o tseba seo. Ge ke be ke sa le mošemane yo monnyane, Morongwa wa Morena o mpoditše gore ke se tšhilafatše mmele wa ka, go kgoga, goba go nwa. Gomme seo e bile therešo. Ka mogau wa Modimo, ke bolokile seo. Ge ke be ke le modiradibe, ga se nke ka gerema tikologong le basadi. Gomme kafao . . .

³⁶⁸ Eupša monna mang kapa mang yo a dumelelago mosadi go mo gokarela godimo ka matsogong a gagwe, yena go bopšeng ka disele tša botona, le yena, tša botshadi, go ne maikutlo. Ga ke kgathale ke wena mang, bjale, se mpotše ga o dire, ge o le motho yo a phelegilego.

369 Eupša, e sego Fao; ka gobane ga o sa na le, gape, disele tša go fapana. O ka se tsoge wa dira sebe Kua. Go bile le phetogo. Go be go se bontši go feta feela lerato la boena go bona basadi.

370 Le ge, ka mogaung wo ba lebeletšego go ona; ke a nagana, mo—mo mosadi, mosadi yo mokaone yoo a itshwarago gabotse yenamong, le go sepela boka mohumagadi, ke yena—yena mohlala wa lebjebhlokwa mo lefaseng. Ke—ke rata e ka ba eng yeo e itlhophilego. Ke a nagana, mo—mo mosadi yo a swerego lefelo la gagwe, gomme o leka go ba mohumagadi, ke se—ke seemo sa tlhompfo. Ke dumela seo. Gomme ke a nagana, yoo a sego, go no ba boka kris—kris Kriste le molwalekriste, selo sa go swana.

371 Ke—ke rata eng kapa eng e lego sa tlhago. Boka pere ye botse, goba e ka ba eng, e no ema ka go seemo sa yona sa kgonthe pere ye botse. Goba, eng kapa eng boka yeo, thaba ye botse, basadi ba babotsana, banna ba babotsana, e ka ba eng yeo e emago ka modirelong wa Modimo, ka mehla ke e thakgaletše.

372 Gomme ba ba be ba phethagetše. Eupša ga go kgathale ba ka nkgokara gantši gakaakang ka matsogong a bona, gomme ba be ba le basadi, le a kwešiša, eupša go ka se tsoge gwa ba sebe. Dithatana tša botona le dithatana tša bosadi, bobedi, di be di ile. Lebogang Morena! Ba be ba le dikgaetšedi tša ka, go felela.

373 Ke lebeletše. Gomme ke thoma go. . . Ke—ke lebeletše diatleng tša ka; ke bone bohle ba be ba le ba baswa kudu. Gomme ke lebeletše; ke be ke le yo moswa, le nna. Gomme ke. . .

374 Gomme ke lahlegelwa ke moriri wa ka, bjalo ka lesogana; go beeng esiti ya khaboliki go wona, mokotamoriri o dirile, gomme o tlošitše ohle ge ke be ke no ba mošemane. Gomme ka mehla e bile mohuta wa se—se selo go nna, gore ke—ke—ke hwetša go tonya ka pela kudu, ka lebaka la gore letlalo la hlago ya ka le sa le boleta, le a tseba. Gomme medu ya moriri e sa le gona, eupša e tšhumilwe ke esiti ya khaboliki, gomme moriri o ka se tsoge wa gola, le a bona.

375 Gomme ke ile, mosadimogatša wa ka, ge ke. . . mengwaga ye metelele ya go feta, gomme o nkhweleditše ntsekana ya moriri go rwala, ntsekana ye nnyane ya moriri, go rwala, go khupetša hlago ya ka. Eupša ka mehla ke be ke le dihlong go e rwala, gobane e bogegile boka e be e le se sengwe sa maaka. Gomme ke be ke sa nyake selo sa maaka.

376 Gomme kafao ke naganne, “Ke tla no ithwalela kefa ya stoking.” Ka gona, ke dirile, lebaka la nakwana. Le tseba se ba se dirilego? Ba nyakile go mpitša “pišopo” nako yeo, ba rile ke nyakile go ba. . . Le a bona? Ke nno re, “Mo lese a ye.”

377 Kafao ke nno tlaišega ka go tonya go gobe, le go e lesa. . . Eupša, ke. . . le. . . e no ba go phagamiša wona mafastere, goba e ka ba eng, a nke moya wo monnyane o tle thwi go kgabaganya ka mokgwa woo, šaatena, ke o hweditše.

378 Bjale ke ile go ngaka gomme ka mmotšiša, o naganne eng. O rile, “Gabotse, o a bona, mašobana a gago—a gago a bulegile. O a fufulelwa, go tšwa go rereng. Moya wola o a tla. Go—go bea twatši ya sehuba godimo fa ka go lerere, gomme e kitima go theoga mogolo wa gago. Mosong wa go latela o makgwakgwa. Yeo ke yona.”

379 Gomme—gomme kafao, oo, nna, lena baisa bao le nago moriri, ga o tsebe ka fao o swanetšego go leboga, le go ba le ona. Yeo ke nnete. Le a bona?

380 Gabotse, bjale, ke hweditše, gona, gore ke—ke ya go . . . Le lengwe la matsatši a, ge ke sa hwetše meno a ka, ke ya go swanela go ba le a mangwe a ona, gomme, kafao, goba e ka ba go dira ntle le ona.

381 Kafao ge moisa—ge moisa . . . Gabotse, nka se nagane e tla ba bontši bjo itšego go monna, ge eba a nyakile, go apara ntsekana ya moriri, go phala go ka ba go mosadi go apara ye nngwe ya magotlo makuntwane a, e ka ba eng ba e beago moriring wa bona ka mokgwa wola, go o iša godimo. Le a bona? Eupša—eupša, nnete, ge le e dira, go ya le ka se o se direlago. Le a bona? Go ya le ka se o se direlago. Gomme kafao . . .

382 Eupša, golebjalo, ke eme fale, ke ikwetše godimo, gomme ke bile le moriri wa ka gape. Nna! Ke be ke le yo moswa. Gomme ba, bohle ba, baswa! Gomme ke naganne, “Gabotse, a se ga se tlabe! Bona šeba.” Gomme bohle ba be ba kitima . . .

383 Gomme ke lebeletše, go tla, gomme ke—ke bone Hope a etla. O lebeletše . . . Le a tseba, o hlokofetše go masomepedi pedi. O be a sa no ba yo mobotse bjalo ka mehleng. Bontši bja lena le a mo elelwa; ona mahlo a magolo a maso. O be a le Mojeremane. Moriri wa gagwe wo moso o lekeletše go theoga mokokotlo wa gagwe. Ka gopola, “Bjale, ge a fihla mo, o tla re—o tla re, ‘Bill.’ Ke a tseba o tla dira. Ke a tseba o tla re, ‘Bill,’ ge a fihla mo.”

384 Ke be ke šeditše. Gomme yo mongwe le yo mongwe wa basadi ba a etla le go nkgokara, a re, “Oo, ngwanešu yo bohlokwa, re thakgetše kudu go go bona!” Gomme ke naganne . . . Yo mongwe le yo mongwe a apere go no swana, eupša ba bile le moriri wa bona go fapana, le a tseba, moriri wo mohubedu, le moriri wo moso, le moriri wa gauta. Gomme—gomme ba be ba etla kgauswi, eupša ba be ba le bohle ba baswa.

385 Gomme ge a fihla go nna, ka gopola, “Ke ya go no bona se a se bolelago.”

386 Gomme o lebeletše godimo go nna, gomme o rile, “Oo, ngwanešu wa rena yo bohlokwa!” O nkgokaretše, gomme o nno ya pele. Mosadi tsoko yo mongwe o a tla, o nkgokaretše, go latela.

387 Gomme ke kwele lešata. Gomme ka lebelela godimo ka tsela ye, gomme fa go tla sehlopha sa banna, baisa ba baswa, bohle mo mengwageng e ka ba masomepedi. Ba bile le moriri wo moso, le

moriri wa gauta. Gomme bohle ba be ba apere dikobo tše tšhweu, gomme ba sa apara dieta. Gomme ba kitimela go nna gomme ba thoma go nkgokara, ba goeletša, “Ngwanešu yo bohlokwa!”

388 Ke naganne. Gomme ke retologetše morago go dikologa, gomme ke be ke le fale, ke sa letše fale. Gomme ka gopola, “Gabotse, bjale, se ga sa tlwaelega.”

389 Gomme fela nako yeo Segalontšu se ile go bolela le nna. Ga sa nke ka ke ka bona Segalontšu. Se rile, “O bothetšwe, o—o bothetšwe go batho ba gago.” Gomme ka gona banna tsoko ba nkukile, ba mpea godimodimo, go selo se segolo sa godimo boka se.

Ke rile, “Gobaneng le dirile seo?”

Ba rile, “Lefaseng o be o le moetapele.”

Gomme ke rile, “Gabotse, ga—ga ke kwešiše se.”

390 Gomme Segalontšu sela se bolela le nna. Ga se nke ka kgona go bona Segalontšu. Bjale, Se be se no ba ka godimo ga ka, se bolela le nna.

391 Ke rile, “Gabotse, ge eba—ge eba ke fetile, ke nyaka go bona Jesu.” Ke rile, “Nna . . . O be a le bjalo . . . O be a le bophelo bjohle bja ka. Ke nyaka go Mmona.”

Gomme kafa O rile, “O ka se kgone go Mmona bjale. O sa le godingwana.”

392 Le a bona, e be e le ka tlase ga aletara, go le bjalo, le a bona, lefelo la boselela, moo banna ba yago, le a bona; e sego sa bošupa, moo Modimo a lego gona, sekgao sa bošupa. Sa boselela!

393 Gomme ba be—gomme ba be bohle ba le fale, gomme ba be ba feta. Gomme ke rile . . . Go lebegile eke go be ka nnete go le dimilione tša bona. Ga se nke ka ba bona . . . Gomme, ge ke dutše fale, basadi le banna ba ba sa kitima go feta le go nkgokara, ba mpitša “ngwanešu.” Gomme ke dutše fale.

394 Gomme ka gona Segalontšu sela se rile, “O bothetšwe go batho ba gago, boka Jakobo a bothetšwe go batho ba gagwe.”

Ke rile, “Bohle ba, batho ba ka? A bohle ba ke ba ga Branham?”

O rile, “Aowa. Ke basokologi ba gago go Kriste.”

395 Ke lebeletše tikologong. Gomme go be go le mosadi yo mobotse ka kgonthe a kitimela godimo. O nno lebega e ka ba go swana. O ile a lahlela letsogo la gagwe go ntikologa, gomme a re, “Oo, ngwanešu yo bohlokwa!” O ile a ntebelela.

396 Ka gopola, “Nna! O be a lebelelega bjalo ka Morongwa.” Gomme a feta kgauswi.

Gomme Segalontšu sela sa re, “A ga se wa mo lemoga?”

Ke rile, “Aowa, ga se ka lemoga.”

397 Se rile, “O mo hlahletše go Kriste ge a be a fetile masomesenyane.” Se rile, “O a tseba gobaneng a nagana bontši kudu ka ga wena?”

Ke rile, “Mosetsana yola yo mobotse o be a fetile masomesenyane?”

398 “Ya.” Se rile, “A ka se tsoge a fetoga gape bjale.” Se rile, “Ke ka lebaka leo a rego, ‘Ngwanešu yo bohlokwa.’”

399 Ke naganne, “Oo, nna! Gomme ke be ke boifa se? Gobaneng, batho ba ke ba kgonthe.” Bona, ba be ba sa ye felo. Ba be ba se ba lape, go beng Fale.

Gomme ke rile, “Gabotse, gobaneng ke sa kgone go bona Jesu?”

400 Se rile, “Gabotse, bjale, O tla—O tla tla letšatši le lengwe. Gomme O tla tla go wena pele, gomme ka gona o tlo ahlolwa.” O rile, “Batho ba ke basokologi ba gago bao o ba etetšego pele.”

401 Gomme ke rile, “O ra, ka go beng moetapele, gore ke . . . gore O tla nkahlola?”

O rile, “Ee.”

402 Gomme ke rile, “A moetapele yo mongwe le yo mongwe o swanetše go ahlolwa ka mokgwa woo?”

O rile, “Ee.”

Ke rile, “Go reng ka Paulo?”

O rile, “O tla swanelwa ke go ahlolwa le ba gagwe.”

403 “Gabotse,” ke rile, “ge sehlopha sa gagwe se eya ka gare, go bjalo le sa ka, gobane ke rerile tlwa Lentšu la go swana.” Yeo ke yona. Ke rile, “Moo a kolobeditšego Leineng la Jesu, ke dirile, le nna. Ke rerile . . .”

404 Gomme dimilione di goleditše ntle, gateete, ba rile, “Re khutšitše go Seo!”

405 Gomme ke naganne, “Nna! Ge nkabe feela ke tsebile se pele ke etla fa, ke tla dira batho go tla fa. Ba ka se kgone go hlaiwa ke se. Gobaneng, lebelelang fa!” Gomme ka gona . . .

406 Gomme O rile, “Bjale, letšatši le lengwe O tla tla, gomme morago . . . Bjale, ka fa, ga re je, go nwa, goba go robala. Re no ba bohle batee.”

407 Gabotse, ga se go phethega; go ka kua ga go phethega. Ga se botsephetelele; go ka kua ga botsephetelele. Ga go na leina go kgona . . . O ka se kgone go nagana . . . Ga go na mantšu ka go tlotlontšu go e bolela. O no ba o gorogile, ke phetho.

408 Gomme ke naganne, “Gabotse, ye, ye e tla ba go phethagala. Gomme ka gona ke eng re yago go e dira go latela?”

409 O rile, “Gona, ge Jesu a etla, gomme re . . . gomme O a le ahlola, goba bakeng sa bodiredi bja lena, morago re ya morago lefaseng le go tšea mebele.” Gabotse, ga—ga se nke ka nagana

ka yona nako yeo. Leo ke Lengwalo tlwa. Ba rile, “Morago re ya morago lefaseng go tšea mebele, ka gona re a ja. Ga re je fa, ešita ga re robale.” O rile, “Re ja tlase kua, eupša re ya morago lefaseng.”

⁴¹⁰ Ke naganne, “Nna, a se ga se makatše! Oo, Nna! Gomme ke be ke boifa se. Gobaneng ke be ke boifa go hwa, go tla go se? Gabotse, ye ke phethego, hlakanya le phethego, hlakanya le phethego. Oo, se se a kgahliša!”

⁴¹¹ Le a bona, re be re le thwi ka tlase ga aletara. Le a bona? Yeo e be e le yona, le a bona, thwi ka tlase ga aletara, ba letile go Tla, le a bona, go Yena go ya go tšea bale bao ba robetšego ka go . . . me—me mebele e robetšego ka leroleng, go re tsoša gape; go tla kgauswi, go re tsoša.

⁴¹² Boka Jesu a etla go kgabola paradeisi, gomme o tlišitše Abraham, Isaka, le bohle bona, le a tseba, ba be ba letile tsogo ya mathomo. Ba tsene ka toropongkgolo gomme ba bonagetše go ba bantši.

⁴¹³ Ke Lengwalo ka phethagalo. Pono e be e le seo, goba e ka ba eng e bilego, e be e le Lengwalo ka phethagalo.

⁴¹⁴ Gomme ke rile, “Gabotse, a se ga se kgahliše!” Gomme ka gona ke naganne, “A seo ga se kgahli- . . .?”

⁴¹⁵ Ke kwele se sengwe se sega, boka pere. Gomme ke lebeletše. Gomme pere ya ka ye nnyane ya go namelwa yeo ke bego ke e namela, Prince yo monnyane, ke naganne kudu ka ga gagwe. O be a le mo, a eme kua kgauswi le nna, gomme a bea hlogo ya gagwe godimo ga legetla la ka, go nkgokarela. Boka ke be ke fela ke mo fa swikiri, le a tseba, gomme o beile ya gagwe. . . ke beile letsogo la ka go mo dikologa. Ke rile, “Prince, ke tsebile o tla ba fa.”

Ke ikwetše se sengwe se latswa seatla sa ka. Mpša ya ka ya kgale e be e le fale.

⁴¹⁶ Ge—ge Mna. Short, tlase fa, a e file mpholo, ke ikanne ke tla bolaya Mna. Short bakeng sa yona. Ke be ke le e ka ba bogolo bja mengwaga ye lesometshela. O mo tšhela mpholo, a mo fa konopi ya mpša. Gomme papa wa ka o ntshwere ka raborolo, ke eya tlase go mo thunya, thwi ka seteišeneng sa sephodisa. Gomme ke rile, “Ke tla mmolaya.” Ke rile, “Gabotse. . .” Ke ile godimo lebitleng la mpša. Ke—ke mmolokile. Ke rile, “Fritz, o bile bjalo ka mogwera go nna. O nkapešitše le go nthomela sekolong. Ge o tšofala, ke be ke eya go go hlokomela. Bjale ba go bolaile.” Ke rile, “Ke a go tshepiša, Fritz, gore a ka se phele.” Ke rile, “Ke a go tshepiša, a ka se phele. Ke tla mo swara mokgotheng nako ye nngwe, a sepela, morago ke tla kitima thwi godimo ga gagwe, le a bona.” Gomme ke rile, “Ke tla go hweletša yona.”

⁴¹⁷ Eupša le a tseba ke eng? Ke hlahletše monna go Kriste, ke mo kolobeditše Leineng la Jesu, gomme ke mmolokile lehung la

gagwe. Ee, mohlomphegi. Ke sokologile e ka ba mengwaga ye mebedi morago ga fao. Ke bone dilo go fapana nako yeo, le a bona. Ke mo ratile sebakeng sa go mo hloya.

418 Kafa gona, eupša, golejalo, šele Fritz e be e eme fale, e ntatswa seatleng sa ka. Gomme ke be . . . ke lebeletše.

419 Ga se ke kgone go lla. Ga a gona a kgonneggo go lla. E be yohle e le thabo. O be o ka se nyame, gobane e be e le lethabo yohle. O be o ka se hwe, gobane e be e le Bophelo bjohle. Le a bona? Le a bona? O ka se tšofale, gobane e be e le boswa yohle. Gomme ke seo . . . Go no ba go phethagala. Ke naganne, “Oo, a se ga se kgahliše!” Gomme dimilione . . . Oo, nna! Ke be ke le thwi gae, le a bona.

420 Gomme—gomme feela nako yeo ke kwele Segalontšu. Gomme Se goeditše, se rile, “Bohle bao le kilego la ba rata . . .” moputso bakeng sa tirelo ya ka. Ga ke hloke moputso. O rile, “Tšohle tše o kilego wa di rata, le tšohle di kilego tše go rata, Modimo o go file tšona.”

Ke rile, “Tumišang Morena!”

421 Ke ikwetše go se tlwaelege. Ke naganne, “Bothata ke eng? Ke ikwela go se tlwaelege.” Ke retologile gomme ke lebeletše. Gomme mo malaong, mmele wa ka o be o šišinyega. Ke rile, “Oo, ga ka swanela go ya morago, ka kgonthe. O se ke, se ntese go ya.”

422 Eupša Ebangedi e ile ya swanela go rerwa. Ka motsotswana feela, ke be ke le malaong gape, le a bona, ka mokgwa woo.

423 Ga se bontši go feta dikgwedi tše pedi tša go feta, gore . . . Le e kwele e balwa ka go—ka go *Business Men's Voice*. E ile gohlegohle lefaseng, le a bona. Gomme Ngwanešu Norman, ka fa, ke a eleletša o gona fa felotsoko bošegong bjo. O fetoletše go tšwa fale, gomme o e rometše ka dipamfolete. E ile mogohle. Gomme badiredi ba ngwadilwe ka gare, bontši bja bona, le go re . . .

424 O tee fa, ke tla no bolela yena yo. Go bile le makgolokgolo a bona, ka nnete. Yo o kitimile, o rile, “Ngwanešu Branham, pono ya gago ka go *Business Men's Voice* . . .”

425 Gomme ke thabela Tommy Nickels, le ge a se na le Banna ba Kgwebo, a se sa le. Ga ke tsebe gobaneng, eupša ga a sa le. Eupša o e beile ka fale feela gabotse, moo ke boletšego. Thwi fale ka go kgatišobaka yela ya trinitarian, o rile, “Moo ke . . . Moo Paulo a kolobeditšego Leineng la Jesu, le go laela batho go dira sa go swana, ke dirile sa go swana.” Le a bona, o e beile feela ka tsela ye e bego e le. Le a bona? Gomme kafao gona ke—ke—ke naganne, “Nna!”

426 Modiredi yo o ngwadile ka gare, a re, “Ngwanešu Branham, pono ya gago . . .”

427 Yeo, e ka be e bile pono. O rile . . . Bjale, ga ke nyake go re, “phetogelo.” Ge Paulo . . . Ge eba ke ubuletšwe ka go legodimo la mathomo le gomme ke bone seo, go reng ka Paulo yoo a

ubuletšwego thwi ka go magodimo a boraro? Seo e be e le eng? O rile ebile ga se a kgone go bolela ka yona, le a bona, ge eba o be a ubutšwe. Ge eba e be e le go swara, ga ke tsebe. Nka se kgone go bolela. Nka se kgone go le botša.

⁴²⁸ Eupša modiredi yo o rile, “Ngwanešu Branham, pono ya gago e kwagala Lengwalo kudu le go loka go fihlela o boletše ka ga pere go beng fale.” O rile, “Pere ka Legodimong?” O rile . . . Bjale le bona monna yola wa bokereki, bohlae, monagano? Le a bona? O rile, “Legodimo le diretšwe batho, e sego dipere.”

⁴²⁹ Gabotse, ke dula fase. Billy, morwa wa ka fa, a bea lengwalo thwi mo ka ofising ya kgale ya kereke, e ka ba dikgwedi tše tharo goba nne tša go feta.

⁴³⁰ Ke rile, “Ngwanešu yo bohlokwa, ke makatšwa ke bohlae bja gago, eupša, le go tsebeng Lengwalo ga gago. Ga se ka re ke be ke le Legodimong. Ke rile e be e le lefelo boka paradeisi, gobane Kriste o be a sa le ka godimo, o a bona. Eupša,” ke rile, “ge eba go tla go kgotsofatša, phetla godimo go Kutollo 19. Gomme ge Jesu a etšwa magodimong a Legodimo, O nametše pere ye tšhweu, gomme bakgethwa bohle le Yena ba namela dipere.” Nnete. Ka phethagalo. Ee, ka kgonthe.

⁴³¹ Gomme godimo ka Lefelong lela la go swana, go bile le se tee se bonagetše boka ntšhu, le se tee se bonagetše boka pholo, le se tee . . . Gabotse, nna, di kae dipere tšela di tlilego go tšea Eliya? Go no ya go laetša, le a bona, monagano wa motho o no nyaka se sengwe go topa godimo. Yeo ke nnete.

⁴³² Bjale hlokomelang. Eupša ke be ke no nagana, bjalo ka yo bohlokwa yo, ngwanešu wa bomodimo, Johane . . . Ke nno gopola gore e tla ba lefelo le lebotse go lahlela seo, feela pele ga go tswalela, le a bona. Ge Johane a lebeletše godimo Kua, gomme bona ba be ba le ba baena ba gagwe, le a bona, baena ba gagwe bao ba bego ba swanetše go tlaišega gannyane; gona, le a bona, Morena Modimo o ntumeletše go bona baena ba ka le bakgethwa bao ba bego ba letile go Tla ga Morena. Hlokomelang, ba be ba se ka tlase ga aletara ya sehlabele; ba ka ba be ba se. Eupša, go bile le, ba be ba le bahwelatumelo. Le a bona? Ba ka ba be ba se ka tlase ga aletara ya bahwelatumelo.

⁴³³ Bjale ke nyaka le theetše sekgauswi ka kgonthe. Gomme ke tla tswalela, ka potego, feela e ka ba mo metsotsong ye lesome, ka iri ya lesome, ge eba ke no swanela go e ripa le go e fetša gosasa.

⁴³⁴ Lebelelang. Bona, ba be ba se ba ka . . . bona bao Morena a mpontšhitšego, Monyalwa, O be a se ka tlase ga poloko ya bahwelatumelo, aowa, aletara ya sehlabele ya bahwelatumelo; eupša ba amogetše dikobo tše tšhweu, ka go amogela mogau wa tshwarelo wa Lentšu le le phelago. Kriste o be a ba file kobo ye tšhweu. Ga ke nagane, ka go bulwa . . .

⁴³⁵ Goba, ke a nagana, bokaone, ka go bulwa ga Lehuto le la Bohlano, bjalo ka ge ke dumela, gore Le bulegile go rena. Ke

e dirile ka letswalo le lebotse, ka kutollo ya go hlaka pele ga Modimo. E sego go leka go no e dira, go nagana, gobane ka mehla ke be ke le kgahlanong le mokgatlo, nka se tsoge ka ba wa bona. Eupša E bulegile go nna bjale.

⁴³⁶ Gomme ke nagana selo se sengwe. Ka go bulwa ga Lehuto le la Bohlano, mo letšatšing le, go otlolla thuto thwi mo, ye nka bolelago ka yona, ya go robala ga soulo. Bjale, ke a lemoga gore go na le batho ka fa bao ba dumelago seo, le a bona, ka soulong e robetše. Ke nagana Le le ganetša seo. Ga se ba robala. Ba a phela. Mebele ya bona, e robetše. Eupša, soulo, e sego ka lebitleng, ba ka Bogoneng bja Modimo, le a bona, ka tlase ga aletara.

⁴³⁷ Fa ke moo ke fapanago le ngwanešu yo bohlokwa, morutiši. Gomme hlokomelang, ke a tseba ke bona ba bangwe ba batho ba gagwe ba dutše fa. Yeo, ke a lemoga gore yo ke morutiši yo mogolo. Ke ngaka, gomme nga—nga Ngaka ya Bokgethwa, le Ph., LL.D. Gomme yena ke—yena ke monna wa go loka ka kgonthe, gape. Ke nagana o ile pele, ka nako ye. Eupša o be a le monna wa go loka, gomme mongwadi wa go loka. Gomme ke Ngwanešu Uriah Smith, mongwadi wa *Daniele le Dikutollo*. Bjale, go lena batho ba le lego molatedi wa dithuto tša gagwe, le a bona, bjale ga ke . . . Ga ke no . . . ga ke nyake go bolela se ka boikgogomošo, eupša ke no . . . Le a bona?

⁴³⁸ Eupša, Ngwanešu Smith, le go lekeng go thekga, le a bona, le go lekeng go thekga go robala ga soulo, fao o bolela seo, “Soulo e a robala. Gomme ga go aletara ya sehlabelo ka Legodimong. Gore, aletara e nnoši e bolelwago,” yeo a—a e dumelago e ka Legodimong, “ke aletara ya diorelo.” Eupša go lena batho ba go ratega . . . Gomme go se fapane le ngwanešu. Ke tla ka kgon- . . . holofela go kopana le yena ka lehlakoreng le lengwe, le a bona. Go se fapane le morutiši yola yo mogolo.

⁴³⁹ Eupša go no le laetša ka fao Le le ganetšago seo, le a bona. Le a e ganetša. Go bulweng ga Lehuto le, mo letšatšing la mafelelo, go no tloša go robala ga soulo thwi mo tseleng. Le a bona? Ba a phela. Ga se ba hwa. Le a bona? Hlokomelang.

⁴⁴⁰ Hlokomelang se bjale. Bjale, ge fao go se aletara ya sehlabelo ka Legodimong, sehlabelo sa sebe se robetše kae gona, ke Kwana? Go swanetše go be lefelo moo Kwana yela e hlabilwego, ya madi, e robetšego fale, moo Madi . . . yona.

⁴⁴¹ Bjale, diorelo e be e le menko, dilo tša monko tšeo ba di tšhumilego, ye Beibele e rilego e be e le “dithapelo tša bakgethwa.” Ge go se na sehlabelo mo aletareng, gona dithapelo di ka se amogelwe. Ke feela ka Madi, godimo ga aletara ya sehlabelo, yeo e dumelago dithapelo go kgabolela go Modimo.

⁴⁴² Ngwanešu Smith o be a le phošo, le a bona. E sego go ganetšana le yena; Ke a nagana ke itirile nnamong go hlaka, ka lerato la boena le ditlhompho bakeng sa modiro wo mogolo, le a bona. Eupša o be a phošiše.

443 Lehuto la Bohlano le butše seo, le a bona, le a bona; dilo tše dingwe tše dintši, ge o se swere. Le a bona? Ke letile bakeng sa dipotšišo tša ka, le a bona, ge eba ke . . . Go lokile.

444 Bjale, areka e be e le kae; ye e hlabilwego, e gobaditšwego, e tšwago madi, Kwana e kgamathetšego madi bakeng sa poelano, bakeng sa dithapelo tše tša menko?

445 Hlokomelang, Beibele e re, “Ge tabarenekele ye ya lefaseng ya bodulo bja rena e phušulwa, re na le ye tee e šetšego e letile.” Fao ke mo ke bonego bakgethwa bale. Le a bona?

446 Šetšang ge lesea . . . Ntshwareleng gape, dikgaetšedi, bakeng sa polelo ye ya pepeneneng pele ga basadi ba baswa. Eupša, lebelelang. Ge mme a imile, gomme sehlopha se sennyane sela sa digoba se šišinyega le go taboga, le a kwešiša, ke mmele wa tlhago. Gomme feela bjalo ka ge tlhago e dira mmele wa tlhago . . .

447 A le kile la ela hloko mosadi wa gago pele ga ge ba bannyane ba tswalwa? Ka mehla o, thwi go bapa, ya mafelelo, o ba botho ka kgonthe, bose. Ge eba a sa nka a ba, bophelong bja gagwe bjohle, o tla ba nako yeo. A le kile la lemoga ka fao bokgethwa, goba maikutlo a botho, le hlokomela mme?

448 Gomme o bona modiradibe tsoko ntle kua, a dira metlae ka mme yo e lego mo—mo mosadi wa go imišwa. Ke nagana seo ga sa hlamatsega. Bjo ke bophelo bo etla lefaseng.

449 Eupša a le hlokometše, go dikologa mme yola go bonala go ba maikutlo a mabose? Ke eng? Ke mmele wo monnyane wa semoya, bophelo bja semoya, bo letile go tla ka go mmele wola wo monnyane ka pela ge o tswetšwe. Bjale bo no ba bo filwe; eupša, ge le tswetšwe, le tswetšwe. Mmele wa semoya o kopana le mmele wa tlhago.

450 Gomme, ka gona, Beibele e ruta gore bjale re tswetšwe ke Modimo. Re tswetšwe ka Moya wo Mokgethwa, gore, ka go rena ke Kriste, morwa wa Modimo a bopilwe ka go rena. Gomme ge mmele wo wa lefaseng o phušulwa, mmele wo wa semoya o tšwa mpeng ya lefase, go na le mmele wo mongwe o letile go o amogela. “Ge tabarenekele ye ya lefaseng e lahlwa, go na le mmele wo mongwe go o amogela.” Mmele wo wa go hwa o apara gosehwe. Wo wa lefaseng o apara wa legodimong. Wo, le bona se ke se rago? Go na le mmele wa tlhago woo e lego wa sebe; eupša, ka go dirweng ga ona, feela boka ona, ke mmele wo mongwe wo re yago go ona.

451 Gomme ke leboga Modimo kudu gore ke kgona go bolela, bjalo ka modiša le ngwanabolena, Ke bone batho bale, kafao nthuše, ka mmeleng wola, gomme ka ba kgwatha ka diatla tša ka. Yeo ke nnete. Hlokomelang.

452 Šetšang. Lebelelang Moshe, Eliya. Ka morago ga ge Moshe a hwile, gomme Eliya o tšeetšwe ka Legodimong, o eme mo godimo

ga Thaba ya Phetogelo ka dikwi tša gagwe tša polelo, go kweng, kwešišo, le go bolela le Jesu pele ga papolo. Bjale, ke mohuta ofe wa mmele a bilego le wona?

⁴⁵³ Lebelelang Samuele, morago ga ge a hwile lebaka la e ka ba mengwaga ye mebedi. O bileditšwe morago ka mph—mph mphomeng bošegong bjoo, ke senoge sa Endora, gomme o boletše le Saulo ka polelo; o kwele Saulo, a bolela morago, le go tsebapele dilo tše di bego di eya go direga. Go le bjalo, moya wa gagwe o be o se wa fetoga. O be a le moprofeta.

⁴⁵⁴ Ge moya wa Eliya o etla godimo ga monna, o tla mo gapa go no swana le Eliya. O tla ya lešokeng. O tla rata lešoka. O tla ba mohloyabasadi ba baitshwarahlepi. O tla ba kgahlanong le mokgatlo. A ka se goge mehlatloša go e ka ba ofe. Gomme seo e no ba . . . Woo ke, woo e tla ba moya wa gagwe. O bile, nako ye nngwe le ye nngwe o tlogo, le a bona.

Moshe e tla ba motho yo a swanago.

Bjale, gomme re hwetša ntle, ka go Kutollo 22:8, selo sa go swana.

⁴⁵⁵ Bjale, goba go e ruma, bakeng sa bale ba . . . Disoulo tšela (bjale šetšang se) ka tlase ga aletara, ya go kgaolweng ga Lehuto le, tše di bolailwego ka nako gare ga lehu la Kriste le go rotogeng ga Kereke; sehlopha sa Eichmann, le bohle bao, bona Bajuda ba therešo ka maina a bona mo Pukung. Ge o ka šetša, ngwanešu wa ka, go ya ka Lengwalo, ba kgonne go bolela, go goeletša, go bolela, go kwa, gomme ba bile le dikwi tše tlhano tšohle. Ba se ba robala ka lebitleng, ba idibetše. Ba be ba phafogile kudu, gomme ba kgonne go bolela, go bolela, go kwa, e ka ba eng gape. A ke nnete? Oo, re thuše!

⁴⁵⁶ Metsotso ye mebedi. Amene. Ke . . . maswabi ke le swareletše seripa sa iri. Aowa, nka se kgone, ke be ke se ka swanela go bolela seo, le a bona. Le a bona? Yeo ke nnete, le a bona.

⁴⁵⁷ Eupša, lebelelang, še go bokaonekaone bja kwešišo ya ka, bokaonekaone. Gomme go ya ka kutollo ye e filwego mosong wo feela pele ga seetša sa letšatši, ke Morena Jesu Kriste, šeleo Lehuto la Bohlano, go ya le a mangwe a mahlano. Ka mogau wa Gagwe, O le file go nna, mogau wa Gagwe go lena le nna. Re Mo leboga bakeng sa Lona. Gomme, ka thušo ya Gagwe, ke ikemišeditše go phela kgauswana . . . ka mo nka kgonago go phela, go ruta ba bangwe go dira selo sa go swana, go fihla ke kopana le Yena, le lena, ka Letagong, ge dilo tšohle di fedile. Ke Mo ratela se, gomme ke bokaonekaone bja tsebo ya ka go Lona.

⁴⁵⁸ Gomme ka therešo ke a dumela, ka pelo ya ka yohle, gore dikutollo tša therešo tša la Pele, la Bobedi, la Boraro, la Bone, le Lehuto la Bohlano, bjale di utologile go rena.

Ke a Mo rata, ke a Mo rata
Gobane O nthatile pele

...?...

Godimo ga mohlare wa Khalibari.

[Ngwanešu Branham o hama *Ke A Mo Rata*—Mor.]

⁴⁵⁹ Bjale, ka go setu, ka tlhomphekogolo, pele ga Modimo! Bjalo ka ge re bone Lehuto le le butšwe go rena, Modimo a swanetše go tšea bana ba Gagwe Mong ba go ratega le go foufatša mahlo a bona, le go ba roma, gobane toka ya Gagwe Mong—toka e nyaka kahlolo ya sebe. Naganang ka yona. Toka ya Gagwe, gomme bokgethwa bja Gagwe bo nyaka toka. Molao ntle le kotlo ga se molao. Gomme melao ya Gagwe Mong, Yenamong, A ka se kgone go e tshela gomme a šala a le Modimo.

⁴⁶⁰ Ke ka lebaka leo Modimo a ilego a swanela go ba motho. O be a ka se kgone go tšea kemedi, morwa yo a bego a se... feela morwa wa mehlang go Yena, goba se sengwe. Modimo o bile bobedi, Jesu o bile bobedi Morwa le Modimo, tsela e nnoši A ka e dirago ka toka. Modimo o ile a swanela ke go tšea kotlo, ka Boyena. E be e ka se be toka, go e bea godimo ga yo mongwe gape, motho yo mongwe. Kafao, Motho wa Jesu o be a le Modimo, a bonagadišwe ka nameng, a bitšwa Imanuele.

⁴⁶¹ Gomme go dira seo, le go tšea Monyalwa, le go phološa sehlopha se se lahlegilego sa Bantle, O ile a swanela go foufatša bana ba Gagwe Mong. Gomme ka gona a ba otlala bakeng sa yona, ka nameng, bakeng sa go gana. Eupša mogau wa Gagwe o fane ka dikobo. Eupša, Bophelo, le bona se se diregilego.

⁴⁶² Gomme ge eba A ile a swanela go dira seo, gore re be le sebaka, re ka kgona bjang go gana sebaka sela ka lerato? Ge go na le ka moagong wo, bošegong bjo, motho yola, moswa goba motšofe, yoo go fihla go nako ye a sentšego sebakabotse seo se biditšego Modimo tefo ye bjalo, gomme o rata go amogela moneelo wola wa Modimo, bošegong bjo; gore ga wa swanela go, bokgole bjo re kilego ra tseba, go ba mohwelatumelo, le ge o ka be. Eupša kobo ye tšhweu e filwe wena. Gomme ge Modimo a kokota pelong ya gago bjale, gobaneng o sa e amogele! [Ngwanešu Branham o kokota godimo ga phuluphithi makga a mararo—Mor.]

Bjale a re inamišeng dihlogo tša rena gape.

⁴⁶³ Ge motho yoo, goba batho, ba le ka mo, yo a kganyogago seo, goba a nyakago go e amogela motheong wa tumelo ya gago ka go Madi a tšholotšwego ao Modimo a tšholotšego sebakeng sa gago, a tlaišegilego go fetiša e ka ba eng yeo e ka ba ofe gape a hwago. Go be go ka se be le motho yo a hwago a tlaišega ka mokgwa wola. Go fihla, nyamo ya Gagwe Mong e arogantše meetse a Gagwe go tloga go Madi a Gagwe, ka ditšhikeng tša Gagwe. Pele A eya Khalibari, marotholodi a Madi a be a etšwa mmeleleng wa Gagwe, ka manyami a mabjalo le pelo ya go robega ye A bego a swanetše go e dira. Eupša, a ka be a e ganne, le yona. Eupša, ka go rata o e diretše lena le nna. A le ka gana lerato le lebjalo la go se kakwe?

464 Gomme le a bona gore bjale, ka go bulwa ga Mahuto a; seo o se dirilego, le se Modimo a go diretšego. Gomme o loketše go neela bophelo bja gago go Modimo, gomme ge A ka go hlothola go tšwa diatleng tša molwalekriste yo o lego bjale ka go yena, a o ka amogela moneelo wa Gagwe, ka go no phagamišetša seatla sa gago go Yena, wa re, “Modimo, ka se, ke a laetša, ke amogela moneelo wola wa mogau”?

465 “Gomme, Ngwanešu Branham, ke hlologela dithapelo tša gago, gore ka mehla ke dule ke botega.”

466 Phagamiša seatla sa gago, gomme ke tla rapela. Modimo a go šegofatše. Modimo a go šegofatše. E re bjale. O se—o se e dire ntle le ge o e e ra. Gomme thwi moo o dutšego, e amogele thwi fao. Gobane, elelwang, o ka be o sa kgona go phagamiša seatla sa gago ntle le ge Sengwe se go boditše go e dira. Gomme ga go selo gape se ka bego se kgonne go e dira eupša Modimo.

467 Kafao, bjale, ge le bona Mangwalo a tatollwa ka go phethagala kudu! Le bona se se bego se eya pele, go theoga go kgabola mabaka, mengwaga e sego mekae ya go feta, masomepedi goba masometharo a mengwaga. Le e bona ka phethagalo e hlatseditšwe. Le bona Lengwalo le bolela tlwa se se diregilego, le se se lokelago go direga. Gona, godimo ga motheo wa tumelo ka go modiro wa Kriste, moo o dutšego thwi bjale, gomme o phagamišetše diatla tša gago, wa re, “Go tloga motsotsong wo go ya pele, e rumilwe. Ke tšea Kriste bjale bakeng sa Mophološi wa ka. Gomme ke tla Mo phelela, bophelo bja ka ka moka. Gomme ke kganyoga Modimo go nlatša ka Moya wo Mokgethwa.” Gomme ge o se wa kolobetšwa Leineng la Jesu Kriste, mogobe o tla be o go letile.

A re rapeleng.

468 Morena Modimo, go bile le tše dingwe tše kgolo nomoro ya diatla magareng ga batho, tšeo di ilego godimo. Ke na le nnete gore O yena wa go swana Morena Jesu yo a re diretšego poelano, mengwaga ye mentši ya go feta. Gomme ka go bona Mahuto ao a utolotšwe, le dilo tše kgolo tše di diregilego thwi mo ka go mengwaga e sego mekae ya go feta, ke dumela ka pelo ya ka yohle gore mojako wa kgaogelo o thoma go tswalela, gomme O loketše go tšea leeto la Gago bjale go lopolla batho ba Gago. Ge go sa le sekgoba, le mojako o butšwe, boka go bile matšatšing a Noage, a nke disoulo tše bohlokwa tše tšeo di phelago ka mmeleng wa tabarenekele ye yeo e yago go phušulwa letšatši le lengwe, bao ba phagamišetšego seatla sela sa wa go hwa, ka teng ga bona; ka lebaka la phenyego ya bona—ya bona le boipolelo bja bona, gore ba dumela le go nyaka go amogela peelano ya Gago go bona, bakeng sa phološo, go Puku ye e kgaotšwego e bulegilego yeo re e buletšwego. Ba fe, bošegong bjo, Morena, kobo ya toko ya Jesu Kriste, le go apeša soulo ya bona ka go yeo, Gore ba ke ba eme

pele ga Gago ka Letšatšing leo le le batametšego, ba phethagetše, ka Madi a Kriste.

469 Morena Modimo, ge ba se ba kolobetšwa ka go Leina la Jesu Kriste! Gomme godimo ga kutollo ye O mphilego yona mabapi le yona; le go boneng gore Paulo o laetše batho bao ebile ba bego ba kolobeditšwe ke Johane Mokolobetsi, go kolobetšwagape gape Leineng la Jesu Kriste, gore ba amogele Moya wo Mokgethwa, ka go Ditiro 19. Ke a kgopela gore O tla ba kgodiša, Morena, ka Therešo, gomme a nke ba Go obamele.

470 Gomme gona ka go obameleng ga kamogelo ya bona, le go obamela go boipolelo bja bona, le go meetse; a nke Wena, go boetšeng, o ba tlatše ka Moya wo Mokgethwa, bakeng sa maatla a tirelo, bophelo bja bona ka moka. Ke ba gafela bjale go Wena, Leineng la Kwana ye e dirilwego sehlabelo ya Modimo, Jesu Kriste. Amene. Amene.

Ke a Mo rata, ke a Mo rata
Gobane O nthatile pele
Gomme a lefela phološo ya ka
Godimo ga mohlare wa Khalibari.

471 Bjale, go lena bao le bilego le diatla tša lena godimo. Obamela taelo ya Moya, ye e tla latelago mo—mo molaotheo wa Lentšu, bakeng sa modiradibe yo a sokologilego. E latele, go tiro ye nngwe le ye nngwe. Gomme Modimo wa Legodimo a le putse bakeng sa go Mo emela ga lena. Morena a le šegofatše.

472 Gosasa bošego, tlišang diphensele le dipampiri tša lena, bjale, bjalo ka ge le bile. Re letile go ba fa ka nako ya go swana, ka seripagare sa bošupa, tlwa, Morena ge a rata. Gomme ka . . . nthapedišeng, gore Modimo o tla bula Lehuto la Boselela go nna, gosasa, gore ke tla kgona go Le tliša go lena ge A mpha lona. Go fihla nako yeo, re opela gape. E sego feela ka dipina, eupša ka ditumišo bakeng sa Gagwe yo a hwilego legatong la rena le go re lopolla. *Ke A Mo Rata.*

Ke . . .

Modiša wa lena šo bjale.

. . . Mo rata, ke a Mo rata
Gobane O nthatile pele.



LEHUTO LA BOHLANO NST63-0322

(The Fifth Seal)

SERISI KA KUTOLLO YA MAHUTO A ŠUPA

Molaetša wo ka Ngwanešu William Marrion Branham, setlogong o abilwe ka Seisimane ka Labohlano mantšiboa, Matšhe 22, 1963, ka Tabarenekeleng ya Branham ka Jeffersonville, Indiana, U.S.A., o tšerwe go tšwa go theipi ya go gatišwa ya makenete gomme o ngwadilwe ntle le go fokotšwa ka Seisimane. Ye ya North Sotho phetolelo e ngwadilwe gomme ya phatlalatšwa ke Voice Of God Recordings.

NORTH SOTHO

©2022 VGR, ALL RIGHTS RESERVED

VOICE OF GOD RECORDINGS, SOUTH AFRICA OFFICE
58 DISA ROAD, ADMIRAL'S PARK, GORDON'S BAY 7140 WESTERN CAPE
REPUBLIC OF SOUTH AFRICA

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Tsebišo ka tokelo-kgatišo

Ditokelo ka moka di bolokilwe. Puku ye e ka ngwalollwa godimo ga sengwalolli sa ka gae go šomišwa ke mong goba go fiwa ntle, mahala ntle le tefo, bjalo ka sedirišwa go gaša Ebangedi ya Jesu Kriste. Puku ye e ka se kgone go rekišwa, go tšweletšwa gape ka bopepetla, go romelwa go website, go bolokwa go sedirišwa sa go bušetša, go hlathollelwa malemeng a mangwe, goba go šomišetšwa go kgopela ditšhelete ntle le tumelelo ya go ngwalwa ya Voice Of God Recordings®.

Tshedimošo ye e Tseneletšeng goba materiale yo mongwe o leng gona, ka kgopelo ikopanye le:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org